

欽定四庫全書

普濟方卷一百四十三

傷寒門

傷寒下痢論

明周王朱楠撰

夫傷寒病若表實裏虛熱氣乘虛而入攻於腸胃則下  
赤黃汁若濕毒氣盛則腹痛壯熱下膿血如魚腦或爛  
肉汁若寒毒入胃則腹滿身熱下痢者不可攻其表汗

出必脹滿表裏俱虛故也傷寒六七日下利更發熱而痢者其人汗不止者死但有陰無陽故也下痢有微熱其人渴脈弱者今自愈脈沉弦者為下重其脈大者為未已脈微數者為欲自止雖發熱不死少陰病八九日而身體手足盡熱在膀胱必便血下痢陽明病下痢其脈浮大此皆為虛強下之故也傷寒下痢日十餘行其人脈反實大者死 又云傷寒下痢其種固多然皆由表實裏虛寒熱濕氣乘虛客傳於腸胃之間腸胃隨其

所傷而下若寒則青白熱則黃赤若寒熱相雜則赤白俱下兼以濕毒則又下膿血如魚腦如爛肉也其候不同有下痢而脈虛者有下痢而脈實者有濕毒勝而腹痛者有熱氣成而煩渴者有津液搏滯而腸垢者有燥屎結聚而譫語者其要固在審別虛實治之也下利須別陰陽三陽下利身熱大陰下利手足溫少陰厥陰下利身涼無熱此大槩也自痢不渴小便色白脈微清穀厥冷惡寒凡此皆寒渴欲飲水尿色如常泄不赤黃發

熱後重凡此皆熱毒之風邪入胃木來勝土故大腸暴下其裏虛腸熱者下利尤多或解散或攻泄或溫中或固下焦或利小便隨症有條但不容發汗蓋邪氣內攻若外復泄其津液則胃氣轉虛必脹滿矣然則下利之脈何如曰身涼脈小者順身熱脈大者逆大則為虛微弱則自止滑而數者是又有宿食也若夫下利譫語而目直視下利厥燥而不得眠下利發熱汗不止或厥不止下利厥冷無脈灸之身不溫而脈不回矣張仲景傷

寒論陽明無下痢症不可下或有云下痢其脈浮大者此皆為虛以強下之故也設脈浮草因爾腸鳴當溫之與水即噦協熱利者曰腸垢臍下必熱便中垢穢赤黃或飲水乃熱也黃芩湯白頭翁湯蘘皮湯此症惟黃芩最妙凡協熱下利通用之胃寒利者曰鳴澹臍下必寒腹脹滿便中黃白青黑或清穀四逆湯理中湯白通加附子湯寒毒下利面帶陽者下虛也溫毒利者腹必痛下膿血如魚腦如爛肉汁桃花湯地榆散黃蓮阿膠湯

或用除溫湯胃風湯加木香下利譫語有燥屎也脈不  
微細可下之用小承氣湯三部脈平心下硬而下痢者  
腸胃積結也急下之陰毒陽毒亦有下痢下痢身痛腹  
滿清穀急救裏用四逆服藥後清穀止但身痛者急解  
表用桂枝湯風邪入胃下痢熱敗毒散冷則金不換正  
氣散或加乾薑木香假如他病脹風失血崩中漏血之  
人繼而下痢大腸裏急痛不可忍雖與巴粉取積已行  
踈導其痛獨存者此非積也榮血虧少陽剛勝陰故爾

後藥當以川芎為佐榮氣一調其痛立止誤或小便不  
通五苓散不能作效當以分心氣飲加川芎麥冬與之  
自然快利或蘊熱血利腹中痛甚踈通滌熱痛未得平  
亦當為之調血詩曰臟結無陽舌結胎陰筋結痛引臍  
來雖然飲食全如故下痢頻頻不可回臟結者臟氣閉  
結而不復流布也一息不運機緘窮一毫不讀穹壤判  
臟其可結平外症有如結胸但飲食如故時時下利為  
異耳其脈寸浮關沉細而緊無陽舌胎陰筋者亦名臟

結於此而圖其痊濟豈不難矣哉臟結無陽症不往來  
寒熱或寒而不熱其人反靜舌白胎者皆不可下也蓋  
其邪未痊成熟猶帶表寒可刺關元穴仍與小柴胡湯  
加生薑

方

黃蓮散

出聖  
惠方

治傷寒吐下後毒氣不解致成下痢是陰

陽二氣未和

黃蓮

三分去  
鬚微炒

人參

一兩去  
蘆頭

黃芩

三分  
乾薑

五錢炮  
製剉

右為散每服五錢水一中盞煎至六分去滓不計時

候溫服

阿膠散

出聖  
惠方

治傷寒吐熱頭痛四肢煩疼未經發汗之

大早遂令汗出下痢不止

阿膠

一兩掬碎  
炒令微燥

黃蓮

三分去  
鬚微炒

葛根

一兩  
剉

黃芩

三分

右為散每服三錢水一中盞煎至六分去滓不計時

候溫服

治傷寒夾熱腹痛下痢方

出聖  
惠方

川升麻

黃蓮

去鬚 微炒

當歸

剉 微炒

赤芍藥

桂心

黃蘗

微炙 剉

甘草

炙 微赤 剉

以上各三分 聖濟方以上各五錢

右為散每服四錢水一中盞煎至六分去滓不計時候溫服聖濟方剉如麻豆每服三錢水一盞煎至七分去滓食前溫服名升麻黃蓮湯

犀角散

出聖 惠方

治傷寒熱毒攻腸胃下痢困絕

犀角屑

一兩 去鬚 微炒

黃蓮

一兩 去鬚 微炒

龍骨

一兩 剉 微炒

人參

三分 去 蘆頭

阿膠

一兩 擣碎 炒令黃燥

右為散每服五錢水一大盞煎至五分不計時候溫服聖濟方水一盞半煎至八分去滓食前溫服名龍

骨湯

赤芍藥散

出聖 惠方

治傷寒下痢腹痛不可忍

赤芍藥

當歸

剉 微炒

黃芩

去黑 心

黃蓮

去鬚 微炒 以上各三分 聖

濟方以上 各三兩

伏龍肝

一兩 聖濟方 作一兩五錢

右為散每服四錢水一中盞煎至五分去滓不計時候溫服聖濟方每服三錢水一盞煎至六分去滓食

前溫服名芍藥湯

黃耆散出聖惠方治傷寒下痢煩熱不止每有所往澀滯疼

痛

黃耆一兩 枳殼五錢 麩炒 微黃去穢 大腹皮一兩 黃蓮三分 去鬚

微炒 赤茯苓一兩 赤芍藥一兩 甘草三分 炙 微赤剉 阿膠一兩 搗碎 炒令

黃 燥

右為散每服四錢水一中盞煎至六分去滓不計時

候服

大青散出聖惠方治傷寒煩熱不解下痢困篤

大青一兩 甘草一兩 炙 微赤剉 阿膠一兩 搗碎 炒令黃燥 赤石

脂一兩 聖濟方作五錢 梔子仁五錢

右為散每服五錢水一大盞入豉五十粒茱萸白三莖

煎至五分去滓不計時候溫服聖濟方作水一盞半

入豉一百粒茱萸白五寸同煎至八分服名大青湯

治傷寒洩痢或渴不得下食虛而煩嘔方出聖惠方

附子五錢 炮製 去皮臍 乾薑五錢 炮製 挫 甘草五錢 炙 微赤剉 犀角屑

三分

右為散每服四錢水一中盞入葱白五寸煎至六分

去滓不計時候溫服

秦皮散出聖惠方治傷寒腹中微痛下痢不止

秦皮三分黃蓮三分白頭翁五錢阿膠三分搗碎炒令黃燥當

歸五錢剉微炒

右為散每服三錢水一中盞煎至六分去滓不計時

候溫服一方無當歸

豉薤湯出千金方治傷寒暴痢腹痛及溫毒內虛外攻胃下

黃赤汁爛肉汁赤滯諸毒熱

豉一握薤白三寸梔子仁五枚

右以水一大盞煎至六分去滓不計時候溫服

惠草散出聖惠方治傷寒熱毒在胃下痢

惠草一兩外臺秘要作二兩黃蓮二兩去鬚微炒外當歸一兩

剉微炒外臺秘要作二兩

右為散每服三錢水一中盞煎至六分去滓不計時



候温服外臺秘要方水六升煮得二升適寒温飲五  
合日三忌猪肉冷水等物名惠草湯治傷寒除熱止

下痢

黃蓮散出聖惠方治傷寒下痢荒語心中虛熱

黃蓮

一兩去鬚微炒

牡蠣

三分燒為粉

龍骨

一兩當歸

三分剉人

參

三分去蘆頭

赤石脂

一兩

甘草

五錢炙

微赤剉

右為散每服三錢粥飲調下不計時候

牡蠣散出聖惠方治傷寒壯熱下痢煩渴

牡蠣

一兩燒為粉

龍骨

一兩五錢

黃蓮

一兩去鬚微炒

烏梅肉

三分微炒

右為散每服二錢粥飲調下不拘時候聖濟方空心

食前調服

又方出聖惠方

黃蓮

三分去鬚微炒

當歸

三分剉微炒

赤石脂

二兩

子苓

三分

右為末煉蜜和丸如梧桐子大每服三十九丸粥飲送

下不計時候

治傷寒下痢不能食

出聖惠方方見本門下膿血痢類黃蓮丸

治傷寒後痢日久津液枯竭口肢浮腫口乾出本草

右用冬瓜一枚黃土泥厚裏五寸煨令爛熟去土絞汁服之

赤石脂禹餘糧湯 治傷寒下痢不止心中痞勒利在

下焦者主之方見本門辨太陽脈證并治中第六

訶梨勒丸 治傷寒後膿血痢下部疼痛

訶梨勒炮去核 人參各一兩 白茯苓去黑皮 當歸切 木香

白芷各三分 牡丹皮五錢

右搗羅為末鍊蜜和搗五百下丸如梧桐子大每服

三十丸食前米飲下日再

香豉湯 治傷寒後下痢赤白如爛肉壯熱大腸痛

豉半合 山梔仁 烏梅肉 甘草炙各五分 薤一分

右剉如麻豆分二服每服水一盞半煎至八分去滓

食前溫服

黃蓮當歸丸 出肘後方一名赤石脂丸 治傷寒後熱痢

黃蓮去鬚剉炒 當歸切焙各一兩 乾薑炮各五錢 赤石脂五錢

右搗羅為末煉蜜和搗五百下丸如梧桐子大每服三十丸食前米飲下日進三服

地榆飲 治傷寒後下痢赤白

地榆 二兩 赤石脂 一兩

右粗搗篩每服三錢水一盞煎至七分去滓食前溫服日再

當歸湯 治傷寒時氣後下痢不止

當歸 切 黃蓮 去鬚 黃蘗 去粗 地骨皮 各一兩

右剉如麻豆每服三錢水一盞煎至七分去滓下蜜一合攪勻食前溫服

龍骨丸 治傷寒後臟腑虛冷下痢白膿腹痛

龍骨 乾薑 炮 附子 炮製去皮

右搗羅為末醋煮麵糊為丸如梧桐子大每服三十丸食前米飲下日再

黃蓮丸 治傷寒後一切痢疾無問冷熱腹痛

黃蓮 去鬚炒 木香 吳茱萸 湯洗三遍炒

右搗羅為末麵糊和丸如梧桐子大每服二十九空心食前米飲下

干鍼散 治傷寒後下血及瘡子後下血

干鍼草 地榆 防風去蘆 生乾地黄焙 定粉炒各五錢

硼砂二錢

右搗研為散每服一錢空心食前米飲調下

貫衆散 治大人小兒傷寒後餘毒有熱下血不止

貫衆逐葉摘 黃蘗去粗皮蜜炙等分

右搗為散每服一錢至二錢用煎黑豆汁放溫調下

勝金散出肘後方 治傷寒後陽毒入胃下血頻併疼痛不可

忍

鬱金大者五枚搗 牛黃研皂子大

右搗研為散每服一錢以醋漿水一盞同煎二沸溫

服

黃蓮散 治傷寒後挾熱下血不止

用黃蓮去鬚為末一兩雞子白和餅燒黑再搗羅為

末每服一錢以溫酒調下不拘時候日再

責毒湯 治太陰病下痢赤白痛下重此涼折熱或水

穀寒熱所致

罌粟殼 地榆 白朮 訶子 青皮 甘草

當歸 紫橘葉 各一兩乃旱蓮葉是照堂紅者

右水五升煮取二升去滓溫服七合若但下血有寒

濕者加乾薑一兩

調中湯 出醫方集成 治秋夏之間暴寒折於盛熱熱結於四

肢則壯熱頭痛自汗寒傷於胃則下痢或血或水脈

數弦洪胃熱不停飲食而吐宜服和之

大黃 去皮酒浸三兩 葛根 芍藥 桔梗 黃芩 茯苓

各八錢 藁本 白朮 甘草 炙各一兩

右以水七升先煮葛根減三升去上沫內諸藥再煮

取三升去滓溫服一升得快利壯熱便歇小兒減與

服安常云久年腸風下之亦瘥

化毒散 治厥陰病大便膿血或黃赤者宜消其毒

槐花 貫衆

各等分

右搗篩取艾一分糯米七合水一升煮取五合和方寸匕服大便頻色便為度

堅止湯 治傷寒下痢赤白膿血腹中痛者

黃蓮 吳茱萸 厚樸

各一兩

右以水四升煮取二升五合去滓溫服五合欲作丸煉蜜丸如梧桐子大白飲下三十粒熱多減吳茱萸五錢一方乾薑代茱萸

瞿麥湯 治傷寒下痢赤白膿血下重或不能便或小

便少當逐其邪則愈以腸痺故也

瞿麥 二兩 扁竹 甘草 車前子 各一兩 大黃 二兩 梔子

四錢 木通 滑石 各五錢

右以水五升煮取二升去滓溫服五合下其蓄毒排其膿血未愈再服

增損四物湯 出永類 鈐方 治少陰下痢手足冷無熱候者

甘草 二兩 人參 龍骨 各二兩 黃蓮 乾薑 各一兩 附

子 一枚炮製  
去皮臍

右剉散每服三錢水一盞煎至七分日三服不瘥復作下痢腹痛加當歸二兩嘔者加橘皮一兩

豉菹湯 治傷寒暴下及滯痢腹痛

豉 升一 菹白 寸一把

右以水三升煮令菹熟漉去滓分為再服不差復作

通草湯 治傷寒下痢脈微足厥冷

通草 乾薑 枳實 附子 人參  
各一兩 四兩 一枚炮 一兩

右切以水六升煮取二升適寒溫飲五合日三不瘥

稍加至七合忌猪肉

阮氏桃華湯 出金匱方 治傷寒後赤白滯下無數

赤石脂 粳米 乾薑  
八兩冷多白 滯者減四兩 一升 四兩冷多白 滯者加四兩

右以水一斗煮米熟湯成去滓服一升不瘥復服熱

多則帶赤冷多則帶白張仲景傷寒論煮湯和赤石

脂末一方寸匕服

犀角湯 治傷寒下痢惡血不止

乾薑 一兩 犀角 一兩 地榆 一兩 蜜 二兩

右切以水五升煮取一升半去滓下蜜更煮至一升分三服自愈此治熱毒蟲利

治傷寒下痢後更煩按之心下硬者虛損也

梔子 十四枚 豉 四合

右以水四升煎梔子取二升半內豉更煎取一升去滓分再服得吐餘勿服嘔有癰膿者不可服嘔膿盡乃愈若無梔子用烏梅十四枚亦可

治少陰病下痢咽痛胸滿心煩

以豬膚一觔以水一斗煮取五升去滓加白蜜半升粉五合熬香和勻相得溫分六服

傷寒下膿血痢 論

夫傷寒後變成血痢者本病瘥之後熱毒未散乘虛客於腸胃與津液相搏故下痢膿血毒氣甚則壯熱而腹痛濕毒加之則所下如魚腦或如爛肉又傷寒未解少陰病下痢便膿血者亦濕熱相搏故也下膿血室必澹



言濕毒無如腸垢鮮消穀糞堅臍下蓄膀胱熱結六條  
全衝脈為血室也男女均有此血氣亦均有此衝脈衝  
之得熱血必妄行在男子則為下血讖語在婦人則於  
經水適去之時經氣尚虛邪乘虛入或熱退而胸滿譫  
語或蓄血而寒熱似瘧皆為之熱入血室私竊怪夫世  
俗常談凡病皆先調氣而血之一字念不到焉其間三  
才之理血則曰婦人有之不思血氣即陰陽也負陰抱  
陽中兩間而為人誰獨無此血氣哉否則張朱之書所

謂桃仁承氣湯抵當湯丸之類是特為婦人設耳然而  
血症之昧何如曰挾血者脈來作澁乍數閃灼明滅或  
沉細而隱伏也若夫血熱交攻則寸關洪盛大抵多於  
左手見之左手主血固如是爾經云血上逆則妄血下  
蓄則狂下焦蓄血小便必自利血結之處又當以此推  
之外症俱於吐血汗解陽明病下血譫語或胸脇滿如  
結胸暮夜如見怪狀此為熱入血室頭汗出者刺期門  
以瀉肝若不刺合用小柴湯加生地黄枳殼梔子仁腹

痛身熱下膿血如魚腦如爛肉汁曰濕毒桃仁湯地榆散黃蓮阿膠丸治要方用胃風湯加木香或除熱湯熱氣乘虛入於腸胃臍下有熱泄汗赤黃白腸垢黃芩湯白頭翁湯藥皮湯無表裏症已下後脈數不解消穀易饑多日不大便此有瘀血桃仁承氣湯抵當湯或小柴胡加桃仁大黃又脾弱症胃熱消穀有本條下焦蓄血其人如狂小腸結急小便必自利與抵當丸或小柴胡加桃仁大黃抵當湯大峻合用者只與抵當丸太陽病不解熱結膀胱其人如狂而自利下者愈不愈用桂枝湯瘀血炙甘草五分川芎香附倍之枳殼又倍之新汲水煎入醋下失血少血或赤脈遲或諸脈不出湯劑中須以人參為佐期門即三焦之府取穴以病分十指中節為寸令仰臥從臍心正中向上五寸以墨點定從墨點兩邊橫量各二寸半大約直兩乳是期門穴也針入四分此症治論穴法可與咳逆條乳下穴參用

方

犀角散 出聖惠方 治傷寒表實裏虛熱氣乘虛攻於腸胃下膿血或如爛肉或如魚腦腹痛壯熱

犀角 五錢 黃蘗 五錢 微赤剉 黃芩 五錢 漏蘆 一分 黃蓮 三分 去鬚微炒

當歸 五錢 剉微炒 牡蠣 五錢 燒如粉 艾葉 一分 微炒 醋石榴皮 五錢

微炒 桑寄生 五錢 甘草 五錢 炙微赤剉

右為散每服四錢水一中盞入茱白五寸煎至六分

去滓不計時候溫服

地榆散 出永類鈐方 治傷寒熱毒不解日晚即壯熱腹痛便

痢膿血

地榆 剉 黃蓮 去鬚 犀角屑 茜根 黃芩 去黑心 以上各

一兩 梔子仁 五錢

右為散每服四錢水一中盞入茱白五寸煎至六分

去滓不計時候溫服聖濟方一方每服五錢水一盞

半煎八分去滓食前溫服名犀角湯一方每服三錢

水一盞茱白三寸同煎六分去滓不拘時候溫服名

地榆湯

治傷寒熱毒入胃下痢膿血名黃蓮阿膠湯 出千金方

黃蘗 一兩微炙剉外臺秘要作二兩 黃蓮 二兩去鬚微炒外臺秘要作四兩 梔子

仁 五錢外臺秘要作十四枚擘 阿膠 一兩搗碎炒黃燥

右為散每服五錢水一中盞煎至六分去滓不計時

候溫服外臺秘要方四味水六升煮三味取二升去

滓內膠令烱溫分再服忌猪肉冷水名藥皮湯治傷

寒後下痢膿血

治傷寒熱毒入胃大便膿血腹中疔痛 出聖惠方

黃蓮 五錢去鬚微炒 赤石脂 一兩 當歸 五錢剉微炒 乾薑 一分炮製剉

赤芍藥 五錢 黃芩 五錢

右為散每服三錢水一中盞入粳米五十粒煎至六

分去滓不計時候溫服

竹茹飲子 出聖惠方 治傷寒痢下膿血

竹茹 五錢 子芩 五錢 川升麻 五錢聖濟作一兩五錢 木通 剉五錢聖濟作

三分 赤芍藥 五錢 黑木耳 一兩微炒聖濟作一兩五錢

右細剉和勻每服五錢水一大盞煎至五分去滓入

生地黄汁半合攪令勻不計時候温服聖濟方每服  
三錢水一盞煎六分入生地黄汁一合攪勻食前温  
服名竹茹湯治傷寒後下血

治傷寒熱毒下痢膿血腰臍下疼痛出聖惠方

黃蓮一兩去鬚微炒 龍骨一兩到 當歸一兩微炒 黃芩五錢 牛黃一分

細研麝香一分

右為細散每服二錢粥飲調下不計時候

地榆散 治傷寒熱毒下膿血或如赤小豆汁腹痛煩

悶

地榆三分到 黃蓮一兩去鬚微炒 栢葉三分炙 黃蘗三分微炙到

黃芩三分 龍骨一兩 赤石脂一兩 赤地利一兩 阿膠三分掬碎炒令

黃犀角屑燥

右為細散每服二錢粥飲調下不計時候

黃蓮散出聖惠方 治傷寒熱毒痢下膿血腹痛

黃蓮去鬚微炒 當歸到微炒 阿膠掬碎炒 黃芩 赤芍藥

各四分 地榆三分 甘草五錢炙

右為細末每服二錢粥飲調下不計時候

茜根散 出聖惠方 治傷寒熱毒下膿血痢及腹痛壯熱

茜根 一兩 龍骨 一兩 黃蓮 一兩 犀角屑 一兩 黃蘗 五錢

微炙 黃芩 三分 赤地利 一兩 赤鼠尾花 一兩

右為散每服二錢粥飲調下不計時候

治傷寒熱毒入胃下痢膿血方 出聖惠方

龍骨 二兩 黃蓮 一兩 木香 一兩

右為細散每服二錢粥飲調下不計時候

赤石脂散 出聖惠方 治傷寒腹痛下痢膿血日夜不歇

赤石脂 五錢 乾薑 一分 厚樸 五錢 訶梨勒皮

梨勒皮 五錢 微黃

右為細散每服二錢粥飲調下不計時候聖濟方食

前米飲調下日三服

烏梅丸 出聖惠方 治傷寒下痢腹痛

烏梅肉 三分 黃蓮 三分 當歸 三分 訶梨勒皮

微炒 阿膠 五錢 乾薑 一分

右為末煉蜜和丸如梧桐子大每服二十九丸粥飲送下不計時候聖濟方每服食前米飲下二十九丸加至三十丸

香蓮散 治傷寒後下痢膿血疼痛

木香 五錢 黃蓮 去鬚一兩 青橘皮 去白焙五錢

右搗羅為散每服二錢米飲調下不拘時候服

黃蓮湯 出活人書方 治傷寒熱病瘥後下痢膿血不止

黃蓮 去鬚炒一兩 黃芩 去黑心三分 梔子仁 一分 阿膠 炙令燥五錢

右粗搗篩每服三錢以水一盞煎至六分去滓食前溫服之

黃耆湯 治傷寒後下痢赤多白少所往澁痛宜服之

黃耆 一兩 枳殼 去穰麩炒 大腹皮 各五錢 黃蓮 去鬚三分 白茯苓

去黑心 芍藥 各一兩 甘草 炙三分

右粗搗篩每服五錢以水一盞半煎至一盞去滓食

前溫服

治傷寒後下痢膿血方

龍骨二兩黃蓮去鬚炒一兩

右搗羅為散每服二錢食前米飲調下日三夜一

黃蓮丸 治傷寒熱病後熱毒下痢膿血

黃蓮去鬚炒三分烏梅肉炒二兩

右搗羅為末煉蜜入少蠟和搗五百杵丸如梧桐子

大每服二十九丸空心米飲下加至三十九

赤石脂湯出肘後方治傷寒下痢膿血腹痛不止

赤石脂一兩乾薑炮附子炮製去皮臍當歸切焙各五錢芍藥

一兩

右剉如麻豆每服五錢以水一盞半煎至一盞去滓

食前溫服一方無附子

木瓜湯 治傷寒後下痢膿血時復憎寒

乾木瓜焙白朮各一兩白芷各一兩黃蓮去鬚一兩附子炮製

去皮石膏研碎赤石脂各二兩桑根白皮去粗皮桂皮芍藥

芎藭各一兩當歸一兩白芷一分芍藥三分黃芩去黑

龍骨心五錢



右以咀每服五錢以水一盞半入生薑一分拍碎同煎至八分去滓溫服

白芷黃蓮湯 治傷寒後下痢膿血食物不得氣脹腹滿

白芷 去粗皮 一兩

黃蓮 去鬚 一兩

天雄

去粗皮臍炮 製一兩五錢

地榆

一兩

桂 去粗皮 一兩

當歸

剉焙 一兩五錢

厚樸

去粗皮薑汁炙 一兩五錢

黃耆

剉細 一兩

赤石脂 一兩 五錢

白朮

一兩

訶梨勒皮

煨一兩 五錢

乾薑

炮 五錢

黃芩

去黑心 五錢

芎藭

一兩 五錢

吳茱萸

洗焙炒 五錢

龍骨

一兩

五錢

右剉如麻豆每服三錢水一盞半煎至八分去滓空心溫服日三

藥皮湯

出活人書方

治傷寒下痢亦治人熱血痢

藥皮

三兩

黃芩

二兩

黃蓮

一兩

右為粗末每服三錢水一盞煎八分服腹痛加山梔子小便不利加赤茯苓阿膠煎

治傷寒熱毒下血

出肘後方

用羚羊角末服之即瘥又療疝氣

黃芩湯 出楊氏家藏方 治傷寒太陽少陽合病白下痢

黃芩 三分 芍藥 甘草 各五錢

右以水五升先煮紫參取二升內甘草煮取一升半

溫服

紫參湯 出金匱方 治下痢肺痛

紫參 半兩 甘草 三兩

右以水五升先煮紫參取二升內甘草煮取一升半

分溫三服

訶梨勒散 出金匱方 治氣痢

右用訶梨勒十枚煨為散粥飲和頓服

七宣丸 出濟生拔粹 治傷寒汗下後裏急後重下痢者

大黃 一兩 桃仁 十二個 木香 五錢 檳榔 五錢 訶子皮 五錢

右為細末煉蜜為丸如梧桐子大每服五十九丸溫水

下

承氣湯 出千金方 治下血

欽定四庫全書

普濟方

三

枳實五枚芒硝半升大黃四兩甘草二兩

右吹咀以水五升煮取二升去滓適寒溫分三服如人行五里進一服取下利為度若不得利盡服之

傷寒自利論

夫傷寒自利何以明之自利者有不經攻下自然溏瀉者是也自利多種須知冷熱虛實消息投湯無致失差雜病自利多責為寒傷寒下利多由脇熱其與雜病有以異也表邪傳裏裏虛脇熱則利不應下而便攻之內

虛脇熱遂利是皆脇熱也又合病家皆作自利太陽與陽明合病必自下利葛根主之太陽與少陽合病必自下利黃芩湯主之陽明與少陽合病必自下利大承氣湯主之三者皆合病下利一者攻裏一者和解所以不同者蓋六經以太陽陽明為表少陽太陰為在半表半裏少陽厥陰為在裏太陽陽明合病為在表者也雖曰下利必發散經中邪氣而後已故與葛根湯以汗之太陽與少陽合病為在半表半裏者也雖曰下利必和解

表裏之邪而後已故與黃芩以散之陽明少陽合病為少陽邪氣入腑者也雖曰下利必逐其胃中之實而後已故與承氣湯以下之是三者異也下利家何以明其寒熱也且自利下渴屬太陽以其臟寒故也下利欲飲水者以有熱也故大便溏小便自可者此為有熱自利小便色白者少陰病形悉具此為有寒惡寒脈微自利清穀此為有寒發熱後重泄色黃赤此為有熱皆可理其寒熱也凡腹中痛轉氣下趣小腹者此欲自利也自

利家身涼脈少為順身熱脈大為逆少陰病脈緊下利脈暴微手足反溫脈緊反去者此為欲解下利脈大者為未止脈微弱數者為欲自止雖發熱不死是知下利脈大為逆而脈小為順也自利宜若可溫理中白通諸四逆輩皆溫臟止利之臍又有腸胃有積結與下焦客邪皆溫劑不能止之必也或攻泄之或分利之而後已經曰理中者理中焦此利在下焦宜赤石脂禹餘糧湯復不止當利其便是泄在下焦滲泄而聚利者也少陰

病自利清水色純青心下必痛口乾燥與下利三部皆平按之心下梗或脈沉而滑或不欲食而譫語或瘥後至年月日復發此數者皆腸胃有積結而必須攻泄者也內經有曰大熱內結注泄不止熱宜寒療結伏須除以寒下之結散利之大寒凝內久利泄澹愈而復發綿歷歲年以熱下之寒去利謂之通因通云下利雖有表症又不可發汗以下利為邪氣內攻走津液而胃虛也故經曰下利不可攻表其汗出必脹滿者是矣大抵下

利脫氣至急五証之中此為甚者其或邪盛正虛邪擁正氣下脫多下利而死何以言之經曰下利日十餘行脈反實者死發熱下利至甚厥不止者死直視譫語下利者死下利手足厥冷無脈者灸之不溫脈不還死少陰病自利復煩燥不得臥寐者死此數者皆邪擁正氣下脫而死者也金匱要略曰六腑氣絕於外者手足寒五臟氣絕於內者利下不禁嗚呼疾成而後藥雖神醫不可為已氣既脫矣熱能治之

方

白朮丸 跌陽脈沉而緩沉則胃氣強緩則大便頻沉  
緩相搏小便難其胃為約

白朮 乾薑 茯苓 各二兩

右蜜丸如梧桐子大白飲服二十九丸以效為度

訶梨勒飲 治傷寒後氣不和自利為度

訶梨勒皮 四枚二生二煨 草豆蔻 四顆二生二煨去皮

右粗擣篩每服二錢以漿水一盞煎至六分去滓空

心温服

燥腸丸 出濟生 拔粹方 治傷寒汗下後大小便自利腸中痛者

附子 一個 龍骨 五錢 乾薑 一兩 吳茱萸 五錢 米穀 五錢 訶梨

勒皮 五錢

右為細末酒糊為丸如梧桐子大每服三十九丸温水

下利止勿服

參附湯 出如 宜方 治自利上炎煩燥坐臥不安脈遲

人參 五錢 附子 製一兩

普濟方

右吹咀分作三服薑十片煎食前溫服又宜既濟方

四逆湯

出易簡方

治陰症傷寒自利不渴嘔噦不止或吐利

俱作小便或澀或利脈微欲絕腹痛脹滿手足厥冷

或咳或悸內寒外熱下利清穀四肢沉重或汗出厥

逆者或汗出熱不去者並宜服之及治一切虛冷

厥理中湯方中亦互言之或傷寒病在表醫誤下

之致下利不止雖覺頭疼體痛發熱惡寒四肢拘急

表症悉具未可攻表宜先服此藥以助陽救裏次服

桂枝湯以解表症

甘草

一兩

乾薑

一兩

熟附子

三分

右吹咀每服四錢水一盞半煎至六分服服此藥

利止而亡血者加人參五錢面赤者每服加葱白一

莖腹痛者加芍藥一兩嘔者加生薑一兩咽痛者加

桔梗五錢利止服不出加人參一兩霍亂吐瀉之

後最宜服之陰症傷寒或無汗唇青面黑身背強

痛四肢厥冷昏不知人未當服四逆湯者先與附子

散三分用附子官桂當歸白朮各五錢半夏乾薑各一分加葱白煎服被覆取汗

傷寒大便不通論

夫傷寒陽脈微而汗出少為不及自始汗出多為太過陽明脈實因發其汗汗出多亦為太過則陽氣絕於裏絕於裏則津液竭致熱結在內故大便牢而不通也傷寒大便不通者胃府實也蓋因太陽病若發汗若下若利小便亡其津液胃中乾燥因轉屬陽明不更衣內

實大便難此陽明症也當下之然有陽明症不可下者當問其小便日幾行若本小便日三四行今日再行故知大便不久出為小便數少津液當還胃中故知不久必大便也如此則傷寒嘔多雖有陽明症其不可下明矣大凡胃中有燥糞法當以湯水和之湯入腹中轉失氣者此所謂結燥下之無害若不轉失氣者此但初梗後必澹不可下下之則脹滿不能食也經云大抵澉數則大便難也脾約丸



方

大黃散 出聖 惠方

治傷寒未解煩燥口乾腹中有結燥不通

川大黃

二兩 剉 微炒

枳實

一兩 麩 炒 微黃

川芒硝

二兩

甘草

一兩 炙 微

赤厚樸

二兩 去粗皮 塗生薑汁 炙令香熟 剉

右為散每服四錢以水一中盞煎至六分去滓不計

時候溫服以得利為度

治傷寒五六日熱結在內大便不通方

出聖 惠方

川大黃

一兩 剉 碎 微炒

牛蒡子

一兩 微炒

枳殼

一兩 麩 炒 微黃 去穰

右為散每服四錢以水一中盞煎至六分去滓不計

時候溫服以得利為度

柴胡散 出聖 惠方

治傷寒四五日壯熱頭痛大便不通

柴胡

去苗

茵陳

木通

剉 黃芩

土瓜根 白蘚皮

各一兩

川樸硝

二錢

梔子仁

三分

川大黃

一兩 剉 碎 微炒

右為散每服五錢以水一大盞入生薑一分煎至五

分去滓不計時候溫服以得利為度

石膏散 出聖 惠方

治傷寒五六日壯熱頭痛大便不通小便

血色

石膏一兩赤芍藥三分川大黃一兩川升麻三分甘草

一分炙柴胡一兩木通一兩黃芩三分川樸一分

右為散每服五錢以水一大盞煎至五分去滓不計

時候溫服以得利為度

檳榔散出聖惠方治傷寒大便不通小便赤澀

檳榔一兩榆白皮一兩桂心五錢滑石一兩甘草五錢

川大黃二兩碎微炒

右為散每服五錢以水一大盞入生薑一分煎至五

分去滓不計時候溫服以得利為度

大腹皮出聖惠方治傷寒六七日大腸壅結不通腹脇脹滿

不下飲食

大腹皮五錢枳殼一分麩炒令赤茯苓三分赤芍藥

三分桑根白皮三分牽牛子一兩甘草一分郁李

仁一兩湯浸去百合一兩

右為散每服五錢以水一大盞入生薑半分煎至五

分去滓不計時候溫服以得利為度

黃芩散 出聖 惠方 治傷寒八九日大便不通心神悶亂

黃芩 一兩 川大黃 二兩 剉 碎微炒 枳殼 五錢 麩炒 微黃去穰 大腹皮 一兩

剉 郁李仁 一兩 湯浸 去皮尖 羚羊角屑 一兩

右為散每服五錢以水一大盞煎至五分去滓不計

時候溫服以得利為度

桑白皮散 出聖 惠方 治傷寒五六日大便不通氣喘

桑白皮 一兩 剉 大腹皮 五錢 剉 枳殼 一兩 麩炒 微黃去穰 川大黃

二兩 剉 碎微炒 川芒硝 一兩 甘草 五錢 炙 微赤剉

右為散每服五錢以水一大盞入生薑半分煎至五分去滓不計時候溫服以得利為度

川大黃散 出聖 惠方 治傷寒大便不通心腹滿悶煩熱喘促

川大黃 剉 碎微炒 川芒硝 赤芍藥 桑白皮 剉 大麻

仁 枳殼 麩炒 微黃去穰 防葵 陳橘皮 湯浸去白穰 焙 以上各一兩

右為散每服五錢以水一大盞煎至五分去滓不計時候溫服如人行十里當利如未利再服

大黃丸

出聖惠方

治傷寒大便秘澀是內有積熱所為診其

脈兩手寸口悉洪大而數是其候也

川大黃

二兩剉碎微炒

枳殼

麩炒微黃去穰

陳橘皮

湯浸去白穰焙

麻仁

各一兩二錢

檳榔

木通

剉各一兩

右為細末煉蜜和丸如梧桐子大每服不計時候溫

湯下三十丸

牽牛丸 治傷寒後風氣壅滯胸膈聚痰大便不通

牽牛子

二兩一半生一半炒

半夏

湯洗七遍炒乾

木通

剉各一兩

桑根白

皮

剉三分

青橘皮

去白剉炒五錢

右搗羅為末煉蜜和搗三五百杵丸如梧桐子大每

服二十九丸空心生薑湯下臨臥再服

治陽明病潮熱若不大便六七日恐有燥屎欲知之法

少與小承氣湯湯入腹中轉失氣者此有燥屎也乃

可攻之若不轉失氣者此但初頭硬後必溏不可攻

攻之必腹脹不能食也欲飲水者與之水則噦其後

發熱者必大便硬而少也以小承氣湯和之

出金匱方

大黃

酒浸四兩

厚樸

去粗皮炙二兩

枳實

三枚麩炒

右細剉如麻豆大每服五錢以水一盞半煎至七分去滓溫服當更衣不爾者再服更衣者勿服服後若不轉失氣者慎不可攻也

厚樸湯 治傷寒五六日大便不通壯熱頭疼譫語腸

中有結燥

厚樸

去粗皮薑汁炙一兩

柴胡

去苗

大黃

剉炒各一兩五錢

樸硝

二兩枳殼

殼

去穰麩炒三分

右粗擣篩每服五錢以水一盞半入生薑棗大拍碎煎至七分去滓空心溫服良久再服以通為度未通再服

厚樸半夏湯 治傷寒大便不通嘔

厚樸

去粗皮生薑汁炙剉

半夏

湯洗七遍焙各一兩

大黃

剉二兩

枳殼

去穰

麩炒五錢

右粗擣篩每服五錢以水一盞半生薑棗大拍碎煎至六分去滓空心溫服如人行五里再服

桑白皮湯 治傷寒五六日大便不通氣喘

桑根白皮 剉一兩 大腹皮 剉五錢 枳殼 去穰麩炒 大黃 剉炒各二

兩

右粗擣篩每服三錢以水一盞入生薑如棗大拍碎煎至六分去滓空心溫服如人行五里再服

桑白皮湯 治傷寒五六日大便不通氣喘

桑根白皮 剉一兩 大腹皮 剉五錢 枳殼 去穰麩炒 大黃 剉炒各二

兩

右粗擣篩每服三錢以水一盞入生薑如棗大拍碎煎至六分去滓下樸硝末五分空心溫服未通再服以通為度

柴胡黃芩湯 治傷寒熱氣未解惡寒頭痛壯熱四五

日大便不通

柴胡 去苗 黃芩 去黑心 土瓜根 白蘚皮 木香 茵

陳蒿 各一兩一分 山梔子仁 三分 大黃 細剉 一兩五錢

右粗擣篩每服三錢以水一盞煎至六分去滓下樸

硝末五分空心温服如人行五里再服未通以葱豉

粥投之

檳榔散

出永類  
鈐方

治傷寒伏熱在腸胃大便不通

檳榔

剉二兩

木香

枳殼

去穰  
麩炒

陳橘皮

湯浸去白  
炒各一兩

白

木

大戟

剉炒各  
五錢

杏仁

湯浸去  
皮尖

乾薑

炮各  
三分

右搗羅為細散每服一錢用生薑湯調下不拘時

麻仁丸

一名脾  
約丸

治傷寒跌陽脈浮而濇浮則胃氣強濇

則小便數浮濇相搏則大便硬其脾為約

麻子仁

半升

芍藥

二兩

厚樸

二寸半去粗  
皮薑汁炙透

大黃

四兩

枳實

麩炒一  
兩三分

杏仁

去皮尖雙仁  
炒二合半

右為細末煉蜜丸如梧桐子大每服十丸以飲下未

知漸加以知為度日三利後服麩粥將理

郁李仁散

治傷寒大便不通

郁李仁

去皮尖  
炒研

檳榔

剉各  
二兩

芫薺

一兩  
五錢

木香

五  
錢

右搗羅四味為細散入二味研者和勻每服三錢食

前温湯調下以通為度

麻仁湯 治傷寒大便五六日不通

麻子仁 黃芩去黑心 甘草炙 梔子仁各五錢 大黃剉炒

一兩

右粗擣篩每服五錢以水一盞半煎至八分去滓下  
樸硝末五分溫服如人行五里再服

蜜膽導方 治傷寒後大便秘澀服藥不通

白蜜三合 猪膽一枚 膩粉半分

右先煉蜜二十沸次下猪膽汁慢火煎成膏入膩粉

相和為丸如棗子核大以薄綿裹內下部中未通再  
用

治傷寒後大便不通并噤轉瀉藥後腹脇轉脹不通利  
方

右以鹽半觔熬令色變用醋漿水二斗煎五七沸下  
鹽攪勻瀉入盆中看冷暖得所令病人盆中坐淋浴  
小腹須臾便通

胃約湯 治傷寒腹滿喘促大便下重其人虛者



枳殼一兩 紫蘇一兩 橘皮一兩 甘草 生薑各五錢

右以水三升煮取一升半去滓溫服五合

濡腸丸 治少陰病無熱寒強大便秘日不通者

葳靈仙 黑牽牛各等分

右擣篩煉蜜和丸如梧桐子大以三十粒白飲下瘥

婦人不大便甚宜用此方屢試屢驗

承氣丸出肘後方 治十餘日不大便者

大黃 杏仁各二兩 枳實一兩 芒硝一兩

右擣蜜為丸如彈子大白湯六七合服之未通更服

神聖自利膏出德生堂 治傷寒及諸症大便閉結連不通腹

肚脹滿疼痛病者體虛不欲服藥通利者此膏代藥

行性臟腑自利真有神聖之效

黃蓮二兩 芭荳五錢帶殼與碾末

右為細末作三次用葱白然涎汁調成膏敷貼臍上

高半寸厚不時大便自利如不通再上行即止

薑兌法 治胃中有燥糞令人醋語正熱盛亦令人醋

語若祕而醋語者宜服承氣湯通利而醋語者宜服下四物黃連除熱湯承氣湯舊用芒硝余以有毒故去之用之數年安穩得下良既服湯亦應外用生薑兌讀作銳下同使必去燥糞若服湯無兌而不得下者可依本方

右以芒硝一兩削生薑如小指長二寸斫塗之內下部中立通

傷寒小便不通

論

夫傷寒小便不通者或因發汗過多津液虛少胃中乾燥或小腸有伏熱氣道不宣皆令小便不通也方論云胃中乾則無小便慎不可利蓋言汗後亡津液也若下焦有熱而小便不利又當隨利之活人歌括曰傷寒汗下亡津液故使胃中乾燥極法主小便多不通醫家反利多為逆熱在下焦便喜飲小便又却不通時脈浮自屬五苓散沉脈猪苓亦頗宜小便難小便乾竭胃乾空多汗陽明並戒通引飲濕黃須要別澁難虛熱客胞中

汗下後亡津液胃中乾燥故小便不利醫見不利往往利之誤矣若得小便利者病不自愈但不可用藥行之也熱在下焦小便不利脈浮者五苓散脈沉者猪苓散表不解心下有水發熱而咳小腹滿小便不利小青龍去麻黃加茯苓也翕翕發汗頭頂心痛小便不利桂枝去桂加茯苓白朮湯嘔而發熱胸脇滿心下怔忡一小便不利小柴胡去黃芩加茯苓湯少陰小便不利四逆散加茯苓散汗自外泄津液中乾小便所以不通也或

陰虛而陽湊之小腸伏熱亦令旋熱赤黃數且難以素問曰陽入陰分則膀胱熱而小便難其謂是乎多汗者以利小便為戒伏熱者以涼劑行之若夫中濕發黃不利小便非其治也傷寒有所不利者行之取其滲泄也大病瘥後從腰已下有水氣者牡蠣澤瀉散此利水道滲瀉之義也小便難而黃者陰虛為陽所湊中有熱也故小便難而黃方全木通散小便難者太陽病汗後漏不止惡風四肢拘急難以屈伸小便難也桂枝加附子

湯陽明中風脈弦浮大短氣腹滿脇下及心痛鼻乾不  
 得汗嗜臥身黃小便難潮熱而噦者小柴胡加茯苓湯  
 又云膀胱與腎盡皆虛客熱從虛由此入虛則令人數  
 小便熱則小便行道澁跌陽澁與浮相搏瀉主腎虛便  
 弱數浮為胃實大便硬太陽病自汗四肢拘急難以屈  
 伸心煩微惡寒脚攣急若小便數者切不可行桂枝也  
 宜於甘草乾薑湯芍藥甘草湯太陽病吐下後小便數  
 大便硬燥者小承氣湯利之類傷寒自汗脈浮小便數

而胃不和譫語者少語調胃湯承氣湯尿血症治論用  
 延胡索散

方

赤茯苓散

出聖惠方

治傷寒小便不通臍腹妨悶心神煩燥

赤茯苓

赤芍藥

木通

剉黃芩

川芎

蘆

麥以上各一兩

右為散每服四錢水一中盞入生薑半分煎至六分  
 去滓不計時候溫服以得通為度

木通散

出活人書方

治傷寒後下焦熱小便不通三兩日

木通 赤茯苓

車前葉 滑石

以上各二兩 蘧麥 一兩

右為散每服四錢以水一中盞煎至六分去滓不計

時候溫服以通為度

雞蘇散

出聖惠方

治傷寒下焦氣滯小便不通

雞蘇

一兩聖惠方作一握

木通

剉一兩

石葦

一兩 滑石

一兩 生乾

擣碎

地黃

一兩聖惠方作二兩

杏仁

湯浸去皮尖雙仁麩炒微黃一兩

葵子

五錢聖惠

一方作一兩

右為散每服五錢水一大盞煎至五分去滓不計時

候溫服以通利為度聖濟方治傷寒小腹急痛小便

不利煎至八分食前服

蘧麥散

出聖惠方

治傷寒小便不通尿血澁痛

蘧麥

各三分 車前子

木通

一兩 梔子仁

川大黃

一兩剉碎微炒

黃芩

一兩 川升麻

一兩 牽牛子

三分 滑石

川

五錢

樸硝

一兩 甘草

五錢炙微赤剉

右為散每服五錢以水一中盞入葱白二莖燈心半

東煎至六分去滓不計時候溫服以通利為度

又方 出聖 惠方

蘧麥 二兩 甘草 二兩 炙 微赤 剉 滑石 四兩 葵子 二兩 石葦 二兩 去毛 生

乾地黄 一兩

右為散每服四錢以水一中盞煎至六分去滓不計

時候溫服以得通為度

桑根白皮 出聖 惠方 治傷寒小便赤澀不通

桑根白皮 一兩 剉 陳橘皮 湯浸去白 穰焙三分 葵子 一兩 滑石 二兩

五錢 川芒硝 二兩 黃芩 一兩 甘草 一兩 炙 微赤 剉

右為散每服四錢水一中盞煎至六分去滓不計時

候溫服以得通利為度

滑石散 出肘 後方 治傷寒小便不利

滑石 二兩 聖濟 方作二錢 甜葶藶 一兩 隔紙炒令紫色 聖濟方用半合

右為細散每服不計時候溫水調下二錢頻服以通

利為度聖濟方先將葶藶用水一盞煎至半盞去滓

入滑石末調食前頓服

治傷寒小腹脹滿小便不通

出聖惠方

右以石鷲子一對於火內燒令通紅入醋中淬如是七遍擣羅為末不計時候葱白湯調半錢得通為度茯苓木通湯 治傷寒後下焦熱小便不通

赤茯苓

去黑皮

木通

剉

車前子葉

滑石

各二兩

右粗擣篩每服五錢水一盞半煎至八分去滓空心溫服

猪苓湯

出金匱方

治傷寒脈浮發熱渴欲飲水小便不利者

猪苓

去黑皮

赤茯苓

去黑皮

澤瀉

滑石

碎各等分

右咬咀如麻豆大每服五錢水一盞半煎至八分去滓入阿膠末一錢溫服日三

瞿麥湯 治傷寒後小便赤澀

瞿麥

一兩用穗

甘草

炙剉

冬葵子

滑石

各三兩

石葦

一兩去毛

右為散每服五錢水一盞半煎至八分去滓食前溫服

車前子湯 治傷寒小便不通腹脹

右以車前子三兩粗擣篩每服五錢水一盞半煎至八分去滓溫服

滑石湯 治傷寒小腸有伏熱狀如熱淋澀痛

滑石 碎 冬葵子 榆白皮 剉各等分

右粗擣篩每服四錢水一盞半煎至八分去滓食前溫服

葵子湯 治傷寒小便赤澀不通

冬葵子 滑石 各二兩 樸硝 赤茯苓 去黑皮 木通 剉各

右粗擣篩每服三錢水一盞煎至七分去滓食前溫服

一兩 茅根 剉 石葦 去毛各一兩五錢

血餘散 治傷寒小腸不通便如血淋

亂髮灰 錢二 大麻根 切一兩

右先將麻根以水一盞煎至半盞去滓下亂髮灰攪勻食前溫服

桑白皮湯 治傷寒小便赤澀似淋膀胱風熱



桑根白皮剉 冬葵子 滑石各一兩 甘草炙剉 樸硝五錢

一兩 青橘皮去白切

右粗擣篩每服五錢水一盞半葱白五寸切煎至八

分去滓食前溫服

枳殼湯 治傷寒後小便不通臍腹痛氣脹攻上喘促

枳殼去穰 滑石麩炒 大腹皮剉各五錢 甘草炙 青橘皮去

焙切 結石根 紫蘇莖葉 樸硝 麥門冬去心 冬

葵子各二分 前胡去蘆頭 赤芍藥各一兩

右粗擣篩每服三錢水一盞葱白五寸切煎至六分

去滓食前溫服

竹茹湯 治傷寒小便出血

青竹茹 木通剉各一兩 甘草炙剉一分 連翹 蘆根剉 蒲

黃各五錢

右粗擣篩每服五錢水一盞半入燈心少許生薑如

棗大拍碎煎至八分去滓食前溫服

四逆加茯苓散 治傷寒少陰症小便不利

甘草

炙

枳實

去穰 麩炒

柴胡

去苗 各一兩

芍藥

一兩

赤茯苓

去黑

皮五錢

右搗羅為細散每服二錢以米飲調下日三

滑石湯 治傷寒時行小腹脹滿小便不通

滑石

二兩

葶藶

微炒

防已

各一兩

木香

五錢

右粗搗篩每服三錢水一盞煎至三合去滓空心温

服日晚再服

茯苓湯 治傷寒發汗後腹下氣滿不便不利

赤茯苓

去黑皮 二兩

桂

去粗皮

甘草

炙各一兩

右㕮咀如麻豆每服五錢水一盞半入大棗二枚擘

破煎至八分去滓温服日三

木通湯 治傷寒小腹滿小便不利心下痛引脇者

木通

各二兩

木猪苓

各二兩

瞿麥

各二兩

滑石

各二兩

甘草

炙芍藥

各一兩

右以水七升煮取二升去滓温服一升

琥珀飲 治太陽病熱結下焦小便不利或便血赤黃

難出疼痛

琥珀

芒硝

甘草

各一兩

滑石

三兩

右搗篩以一匙沸湯和服小便少頃便通快

療傷寒熱盛小便不利方兼療天行

右搗生葱敷臍下橫紋中燥易之

芍藥乾薑湯

治傷寒汗下後腹中時痛小便清者

芍藥

白朮

乾薑

桂枝

各五錢

右剉細每服五錢生薑同煎

傷寒下部蠱瘡

附論

夫傷寒後蠱瘡者因腹中有熱其人食少胃中空虛三  
蟲須食或食五臟或食下部隱僻有瘡故名蠱瘡其候  
齒無色舌上盡白四肢沉重惚惚喜眠甚則唇裏有瘡  
其瘡在上唇裏如米粟心內懊懣痛者此蟲食五臟之  
症也若下唇裏有瘡其人喜眠者此蟲食下部之症也  
若肛爛見五臟者死 又云夫蠱病與百合狐惑濕風  
濕病鬼氣皆相類宜精察節氣其新故二氣相搏相喜

成此疾

方

桃仁散 治傷寒蠱蟲蝕下部躁悶痒痛不已

桃仁

湯浸去皮尖雙仁麩炒微黃

槐子

微炒熟艾

微炒各二兩

黃蓮

一兩

去鬚微炒

右為散每服三錢水一中盞煎至五分去滓食前温

服

雄黃散 治傷寒蠱下部生瘡蝕肛門疼痛

雄黃

一兩細研聖濟方作一分醋炙研

青箱子

一兩五錢

黃蓮

一兩五錢去鬚

苦參

一兩五錢剉

桃仁

三分湯浸去皮尖雙仁麩炒微黃

右為細散每服二錢粥飲調下食前又將散子綿裏

如杏仁大內於下部中良聖濟方再同研勻每服一

錢若蠱在下部以綿裹一錢內下部良久去之

麝香散 治傷寒蠱心中懊懷下部有瘡疼痛

麝香

一分細研

雄黃

一分細研

硃砂

一分細研

羚羊角屑

一分

青箱

子

二分黃蓮

一分去鬚

貝齒

一分

川升麻

一分

桃仁

一分湯浸去皮尖雙

仁麩炒  
微黃

右為細散每服二錢煎麥飲調下食前

青箱散

出聖  
惠方

治傷寒初有蠱下部生瘡疼痛

青箱子

一兩

藿蘆

二兩

狼牙

一兩

陳橘皮

一兩

湯浸  
去白穰焙

篇竹

一兩

右為細散每服粥飲調下食前

阿膠散

出聖  
惠方

治傷寒下脣内生瘡蟲蝕下部疼痛或時

洩痢

阿膠

二分擣碎  
令黃燥

黃蘗

五錢微  
炒炙剉

當歸

五錢剉  
微炒

檳榔

五錢

木香

五錢

龍骨

五錢

槐子

一兩  
微炒

右為細散每服二錢煎黃耆湯調下食前

棟根皮丸

出聖  
惠方

治傷寒蠱蝕下部腹中疔痛

東引苦根棟白皮

一兩  
剉

狼牙

一兩

白礬灰

一分

猪膽  
三枚

取汁用酒三合相  
和重湯煮如膏

右為細末用猪膽膏和丸如梧桐子大每服二十九

以桃枝湯食前下

藜蘆丸

出聖惠方

治傷寒下部生蠶瘡時久不瘥

藜蘆

五錢去蘆頭

桂心

一兩

芭荳

一分去皮心研紙裏壓去油

附子

一兩

炮去皮臍

右為末入芭荳研令勻煉蜜和丸如梧桐子大每服

一丸粥飲送下食前

槐子仁丸

出聖惠方

治傷寒下部蠶瘡痛痒不止

槐子仁

一兩微炒

苦參

一兩剉

熊膽

五錢

木香

一兩

乾漆

三分搗碎

炒令煙出

檳榔

一兩

桃仁

二兩湯浸去皮尖雙仁麩炒微黃

右為末煉蜜和丸如梧桐子大每服二十九丸荆芥湯

下食前

治傷寒蠶病唾血上唇內有瘡如粟心中痛悶此蟲在

上蝕其五臟若下唇內生瘡其人喜眠此蟲蝕於下

部

右以雞子一枚小頭敲破出白和熟漆半合攪和令

勻空腹吞之食頃或半日或下蟲或吐蟲盡則熱除

病愈若不治即殺人

又方 出聖 惠方

用猪膽二枚取汁以醋一中盞入膽汁相和煎三五沸放温空腹服之一合蟲則自死聖濟方用膽一具

治傷寒下部生蠱瘡方 出聖 惠方

地龍 一兩去土微炒 狼牙 二兩

右細剉和勻每服二錢水一大盞煎至五分去滓食前温服

又方

右以蛇莓草搗絞取汁每於食前温服一小盞

又方 出聖 惠方

右以烏梅肉二兩炒令燥為細末煉蜜和丸如梧桐子大每服十丸以石榴根皮湯下食前聖濟方用三兩

又方 出聖 惠方

右以梓樹皮三兩細剉水三大盞煎至一盞半去滓空心分温三服

治傷寒下部蠱瘡蟲蝕肛爛方出聖惠方

熟艾彈子大雄黃末五分

右相和作炷燒用竹筒引煙燻下部中

桃仁湯出永類治傷寒後蠱瘡方見本門傷寒狐惑類

黃蓮犀角湯出活人書方治傷寒及諸病後瘡出下部

黃蓮去鬚微炒五錢烏梅七枚去核焙犀角鎊一兩無升麻代木香四錢

右粗擣篩每服五錢水一盞半煎至一盞去滓食前溫服

羚羊角散 治傷寒後心中煩燥唇口生瘡蟲蝕下部

羚羊角鎊三分龍膽五錢黃耆剉三分升麻五錢玄參 柴

胡去苗各三分

右擣羅為散每服二錢煎槐子湯調下空心食前日三服

麝香散 治傷寒後蠱瘡

麝香研雄黃醋煮研丹砂研各一分羚羊角鎊犀角鎊黃

蓮去鬚微炒青箱子 升麻 貝齒煨研各五錢桃仁湯浸去皮



尖雙仁炒  
研三分

右搗研為散再同研勻每服二錢食後煎麥仁粥飲  
調服又以綿裹半棗大內下部中良久去之

苦參湯 治傷寒後蠱瘡

苦參一兩 槐白皮剉二兩 熊膽五錢

右除熊膽外粗搗篩每服五錢水一盞半煎至八分  
去滓入熊膽末五分攪勻空心溫服下部有瘡者更  
灌下部

桃皮湯 治傷寒後蠱蟲食下部

桃皮剉 槐子 榧實各一兩 石榴根剉五錢

右粗搗篩每服五錢水一盞半棗三枚擘破同煎至  
八分去滓食前溫服

犀角湯 治傷寒後唇口生瘡心中懊懷蟲食下部時

或下痢

犀角鎊 龍骨各一兩 木香三分 阿膠炙令燥一兩 升麻五錢 桃

仁湯浸去皮尖 雙仁一兩

右粗擣篩每服三錢水一盞煎至六分去滓溫服晚再服

治傷寒天行下部蠱瘡

烏梅去核擣爛五錢獨頭蒜一頭擣爛屋塵三合

右一處入苦酒一升和勻於銅器中煎候可丸丸如棗核大內下部中若病人齒斷無色舌上白者或喜眠憤憤不知痛痒處或下痢宜急療下部不曉此者但攻其上不以為意下部生瘡蟲食其肛門爛見五

臟死也療之方出肘後方

右用燒馬蹄作灰細末猪膏和塗綿以導下部日數度瘡

桃仁苦酒湯出肘後方治症同前

桃仁五十枚去皮尖雙仁苦酒二升鹽一合

右煮取六合去滓盡服之

龍骨湯出肘後方治傷寒已七八日至十餘日煩渴熱盛而

三焦有瘡蠱者多下或張口吐舌呵吁目爛口鼻生

瘡吟語不識人宜服此湯除熱毒止痢神方

右以龍骨半觔碎以水一斗煮取四升沉之井底令冷服五合餘漸漸進之恣意取飲尤宜老少無味殆如飲水赤斷

懊懷散

出聖惠方

治傷寒心中懊懷下痢穀道中爛傷當服

懊懷散以蠶藥內穀道中

藿蘆

十分聖濟方用二

乾漆

二分聖濟方擣碎炒令烟出五錢

扁蓄

二分聖濟

方乾者用五錢

右各異擣篩粉粥飲服一錢先食日再服聖濟方治傷寒心中悶下痢下部生蠶瘡爛傷每服二錢粥飲調下食前服

療傷寒兼蠶瘡其候口唇皆生瘡唾血唇內有瘡如粟者則心中懊懷痛如此則此蟲在上乃食五臟若下唇内生瘡其人喜眠者此蟲在下食下部方出肘後方右取雞子一枚扣頭出白與漆一合熟和令調如漆還內殼中仰吞之食頃或半日或下蟲或吐蟲劇者

再服乃盡熱除病愈凡得熱病腹內熱食少三蟲行  
作求食食人五臟及下部人不能知可服此藥不爾  
蠶蟲殺人

有病蠶下不止者

出肘  
後方

烏頭二兩 女萎

雲實

各一分  
桂二分

右蜜丸如梧桐子大水服五丸一日三服

一方

出肘  
後方

治下部卒痛如鳥啄

赤小豆

大豆

各一  
升

右合擣兩囊貯蒸之令熟更互坐即愈

療蠶蟲食下部方

右以泥作甕以竹筒如指所橫穿甕肚筒一頭內下  
孔中內如雞子艾燒之就甕口吹之常令艾燒強人  
可益艾甚良

一方治病人齒無色舌上白或喜睡不知痛痒處或下  
利者急治下部不曉此者但攻其上不以為意下部  
生蟲食其肉爛見五臟便死

用艾葉於管中熏下部令烟入更少入雄黃良

普濟方卷一百四十三

欽定四庫全書

普濟方卷一百四十四

明 周王朱橚 撰

傷寒門

傷寒後身體虛腫 論

夫血氣滋榮外濡於腠理則形體充實傷寒汗下之後  
血氣不足臟腑虛寒榮衛滯滯津液不通肌肉無以充  
榮故令身體虛腫若脾與腎臟俱虛不能約制於水水

氣流溢於皮膚則變水氣腫滿

方

黃耆湯 治傷寒後身體腫滿心胸壅悶喘促氣滿

黃耆

一兩 枳殼

去穰麩炒

防風

五錢

桂

去粗皮

細辛

葉五錢

白朮

三分

赤芍藥

赤茯苓

去黑皮

當歸

切焙

右粗擣篩每服三錢水一盞入生薑半分煎至六分

去滓不計時候溫服

防已湯 治傷寒後身體浮腫喘息促小便不利坐臥

不安

防已

三分

猪苓

去黑皮

海蛤

一兩

陳橘皮

湯浸去白

木

香

五錢 白朮

錢 檳榔

剉一兩

桑根白皮

剉三分

赤茯苓

去黑

皮三分

木通

剉一兩

紫蘇葉

五分

右粗擣篩每服三錢水一盞入生薑半分煎至六分

去滓不計時候溫服

木通湯 治病後脾腎不足水道不利腰脚浮腫

木通

剉一兩

澤瀉

防已

桑根白皮

剉三分

赤茯苓

去黑

色 炙黃

去黑皮 石葶去毛各三分 大腹子微煨對四兩

右粗擣篩每服五錢水一盞半煎至八分去滓食前  
溫服日三

防已湯 治病後氣虛津液不通皮膚虛滿

防已 黃耆對 桂去粗皮各一兩五錢 赤茯苓去黑皮三兩 甘草炙令赤對一兩

右粗擣篩每服五錢水一盞半煎至七分去滓溫服  
日再服

檳榔湯 治傷寒病後脾腎氣虛欲成水病四肢面目  
浮腫小便澆喘急

檳榔并皮對五枚 防已二兩 木通對碎一分 桑根白皮炙令黃色  
對一兩 陳橘皮湯浸去白焙乾三分 吳茱萸水浸一宿炒乾一分 郁李仁湯浸去皮微炒一兩

右粗擣篩每服三錢水一盞半煎取七分去滓溫服

前胡丸 治傷寒身體浮腫心胸滿悶不欲飲食

前胡去蘆頭一兩 旋覆花五錢 人參三分 阿梨勒皮一兩 檳榔

到一兩 木香錢五 赤茯苓去黑皮 三分 陳橘皮湯浸去白 穰焙五錢 桂

去粗皮 五錢 桑根白皮到三分 郁李仁湯浸去皮 微炒一兩

右搗羅為末煉蜜和搗三二百杵丸如梧桐子大每

服煎生薑棗湯下三十九日三服

郁李仁湯 治傷寒後身體洪滿腹堅脹喘急不能飲

食

郁李仁湯浸去皮 微炒 大黃到碎微炒 各一兩 芫胡去苗 桑根白

皮到 澤瀉 赤芍藥 猪苓去黑皮 桔梗炒 麻黃去根

節各三分 鼈甲去裙襴 醋炙 赤茯苓去黑皮 各五錢 杏仁湯浸去皮 尖雙仁 麩

炒微黃

右粗搗篩每服三錢水一盞入生薑半分切煎至六分去滓不計時候溫服

木香丸 治傷寒後徧身洪腫

木香 肉苳蔻 青橘皮湯浸去白焙 檳榔微炒到 各一兩

右搗羅為末煉蜜為丸如小豆大每服空心溫酒下

二十九漸加至三十九



治病後虛腫

豉五升醇酒一斗

右煮三沸及熱頓服不耐酒者隨性服覆取汗

五香麻黃湯 治傷寒忽發腫或著四肢或在胸背虛

腫浮如吹狀亦著頭面唇口頸項劇者偏著脚脛外

如軸大而不痛不赤著四肢者乃欲不遂悉皆主之

麝香五錢薰陸香 鷄舌香各一兩沉香 秦艽 青

木香 麻黃 防風 獨活 姜蕤 甘草各二兩

白薇 枳實各二兩

右㕮咀以水九升煮取三升分三服覆取汗後摩防

已膏

傷寒後骨節煩疼附論

夫傷寒後骨節煩疼者由津液不足血脉皆虛餘毒客

於經絡榮衛澁滯於骨節之間故令骨節煩疼也診三

部脉細而遲澁者乃其候也

方

葛根湯 治傷寒後毒氣未解四肢少力骨節煩疼心腹脹滿

葛根剉 生乾地黄焙 羌活去蘆頭 桂皮去粗皮 芍藥 芎

藟 麻黃去根節湯煮掠去沫 陳橘皮湯浸去白焙 木香各五錢 甘

草炙剉一分

右粗擣篩每服五錢水一盞半入生薑半分拍碎棗三枚擘破同煎至七分去滓空心溫服晚食前再服  
此胡湯 治傷寒後百節疼痛壯熱頭疼

此胡去苗 芍藥 知母焙 桃仁湯浸去皮尖雙仁炒黃 木香

梔子仁 升麻 大青 白芷 黃芩去黑心各五錢 甘

草炙剉一兩 石膏一兩

右粗擣篩每服五錢水一盞半入生薑半分拍碎同煎至七分去滓食前溫服日三

此胡飲 治傷寒後骨節疼痛咳嗽不能食口舌乾燥乍寒乍熱唇口生瘡

此胡去苗 升麻 茯苓去木 芍藥 犀角鎊 百合 地

骨皮

麥門冬

去心 焙

黃芩

去黑心

人參

各五錢

鼈甲

去裙

爛醋 灸

石膏

各一兩

甘草

炙剉 一分

右粗擣篩每服五錢水一盞半入生薑半分拍碎竹

葉三七片同煎至七分去滓食前溫服日再

芍藥湯 治傷寒後壯熱骨肉疼痛頭重嘔噦

芍藥

芫胡

去苗

赤茯苓

去黑心

人參

麥門冬

去心 焙

藿香葉

白芷

各五錢

生蘆根

一兩

甘草

炙一分

右剉如麻豆大每服五錢水一盞半入生薑半分拍

碎同煎至七分去滓空心溫服晚食前再服

百合湯 治傷寒後四肢煩熱骨節疼痛

百合

知母

焙

鼈甲

去裙 爛 醋炙

芫胡

去苗

葛根

剉 桑根

白皮

剉各一兩

右粗擣篩每服五錢水一盞半煎至八分去滓入生

地黃汁一合攪勻食後溫服日再

茯苓湯 治傷寒後骨節煩疼乍起眼暗氣衝胸背上

氣滿急

白茯苓

去黑皮

芫胡

去苗

桔梗

炒

細辛

去苗葉

腹皮

各五錢

枳殼

去穰麩炒

陳橘皮

湯浸去白

杏仁

湯浸

去皮尖雙仁炒三分

甘草

炙一分

右粗擣篩每服五錢水一盞半入生薑半分拍碎同煎至八分去滓食後溫服日再

黃耆湯 治傷寒後骨節煩疼不欲飲食即氣脹汗出

補氣 黃耆剉芍藥 桂去粗皮麥門冬去心五味子 前

胡去蘆頭白茯苓去黑皮當歸切焙人參各五錢甘草炙一分

右粗擣篩每服五錢水一盞半入生薑半分拍碎棗三枚擘破同煎至七分去滓溫服日三

防風湯 治傷寒後徧身骨節疼痛脚膝無力

防風去蘆白朮 附子炮製去皮臍白蘚皮 黃耆 桂

去粗皮薏苡仁各一兩

右剉如麻豆每服三錢水一盞入生薑半分拍碎同煎至半盞去滓溫服日三

煎至半盞去滓溫服日三

普濟方

八

普濟方

八

羌活湯 治傷寒後下焦風虛骨髓酸痛腰脚頑痺不能久立日漸消瘦

羌活去蘆頭 防風去蘆 五加皮 牛膝去苗酒浸切焙 酸棗仁

微炒 丹參 芍藥 麻黃去根節湯煮掠去沫焙 當歸切焙 獨活

檳榔 玄參堅者 木通剉各錢 桂皮去粗皮 黃耆剉各三分

右粗擣篩每服五錢水一盞半煎至七分去滓空心溫服日晚再服

續斷湯出護命方 治傷寒熱毒氣攻腎腰背疼痛脊強急

頭不痛左手尺脉浮微數

續斷 杜仲去粗皮炙剉 羌活去蘆頭 麻黃去根節湯煮掠去沫焙

芍藥各一兩 牽牛一分熟炒

右粗擣篩每服三錢水一盞煎至二沸去滓空心服

桂枝芍藥知母湯出金匱方 治諸肢節疼痛身體魁癩脚腫

如脫頭眩短氣溫溫欲吐

桂枝四兩 芍藥三兩 甘草二兩 麻黃二兩 生薑五兩 白朮五兩 知

母四兩 防風四兩 附子二兩炮

右以水七升煮取二升溫服七合日三服

柴胡散 治傷寒壯熱肢節疼痛大小便澀

柴胡去苗 黃芩去黑心 枯蕒根 山梔子仁各一兩 大黃

剉醋 芒硝各一兩 木香 白蘚皮各三分 茵陳蒿五錢

右搗羅為細散每服二錢食前新汲水調下

神解丸出御藥院 治內外所傷骨節疼痛壯熱增寒頭疼身

體拘急

硃砂研 硃砂研 黃蠟各等分

右鎔蠟和成劑旋丸如棗豆大每服一丸冷水送下

如人行一二里地以熟葱醋粥投汗出解

正元散出按粹方 治傷寒始覺吹凍著四肢頭目百節疼痛

急煎此服如人行五里再服或連三服汗出立差若

患陰毒傷入退陰散半錢同煎或寒冷傷食頭氣滿

及心腹諸疾服之無有不效退陰散方見婦人諸疾門傷寒類

麻黃 陳皮 甘草 乾薑 肉桂 白芍藥

大黃 附子 吳茱萸 半夏各等分皆可製

右麻黃加一半茱萸減一半同為散每服一錢水一盞  
生薑五片棗一枚煎七分熱呷出汗以被蓋覆汗出  
愈陰毒不可用麻黃出汗

天麻散出王氏博濟方解傷寒渾身壯熱百節疼痛頭昏重面

赤氣粗脉息洪大大效

天麻三兩烏頭一兩天南星二兩防風兩白附子一兩雄

黃五錢麝香少許

右為細末每服一錢溫酒調下併喫三兩服汗出立

差

橘皮湯出永類鈐方治動氣在下不可發汗發之反無汗心

中大煩骨節疼痛目暝惡寒反嘔逆穀不得入

淨陳皮一兩甘草五錢人參一分竹茹五錢

右咬咀每服四錢水一盞薑三片棗一箇煎空心服

活人書加生薑一兩棗子八箇作六服

傷寒後腰脚疼痛論

夫腰者腎之府腎者主水受五臟六腑之精而藏之傷

寒病後精血不足腎氣既弱風邪襲虛客搏於足少陰之經留注腰脚凝滯不散故機關不利為腰脚疼痛亦有宿患腎經風温腰痛因病後下經氣虛而發者各從其症以方治之

方

羌活散

出聖惠方

治傷寒後風虛腰脚頑痺骨髓疼痛不能

久立

羌活

防風

去蘆頭

黃耆

五加皮

牛膝

去苗各二兩

酸棗仁

微炒

丹參

桂心

赤芍藥

麻黃

去根節

檳榔

榔當歸

木通

玄參

各一兩

枳實

五錢麩炒微黃

右細剉和勻每服五錢水一大盞入生薑半分煎至

五分去滓食前温服服藥訖即以衣覆臥良久即愈

麻黃散

出聖惠方

治傷寒後風毒攻腰脚骨節疼痛

麻黃

一兩去根節

細辛

獨活

桂心

防風

去蘆頭

當歸

羚羊角屑

以上各一兩

丹參

牛膝

草薺

剉黃

者

剉各三分磁石二兩搗碎小去赤水



右為散每服四錢以水一中盞入生薑三片煎至六分去滓食前溫服

大腹皮出聖惠方治傷寒後肝腎風虛毒氣壅滯大小陽閉

泄氣攻腰脚疼痛妨悶

大腹皮剉桂心 澤瀉 赤芍藥各一兩檳榔 木

香各五錢木通 川朴各三分

右為散每服四錢以水一中盞入生薑半分煎至六分去滓食前溫服

牛膝散出聖惠方治傷寒後臟腑虛弱腰脇疼痛痠痺

牛膝去苗石斛去根 薯蕷 赤芍藥 杜仲去粗皮炙微黃

芎藭剉各三分當歸剉微炒 熟乾地黄各一兩 桑寄生

右為散每服五錢水一中盞入酒三合生薑半分煎

至六分去滓食前溫服服藥後徐步令藥勢行

獨活散出聖惠方治傷寒後腎臟風虛脚膝疼痛少力不能

步

獨活一兩防風三分去蘆頭 五加皮三分附子一兩炮製去皮臍 赤

芍藥一兩 乾薑五錢 桂心一兩 牛膝去苗 五味子三分

杜仲一兩五錢 石斛去根 沉香一兩

右為散每服五錢以水一大盞入薑半分煎至五分

去滓食前溫服

桂心散出聖惠方 治傷寒後腹脹氣急連腰脚疼痛

桂心 陳橘皮湯浸去白穰焙 白朮 附子炮製去皮臍 當歸

各四錢 木香五錢 檳榔一兩 厚朴去粗皮塗生薑汁炙令香熟 五錢

右為細散每服食前以酒調下二錢

檳榔丸出聖惠方 治傷寒後虛冷腰間有積滯氣流注腰脚

疼痛不可忍

檳榔 陳橘皮湯浸去白穰焙 桂心 附子炮製去皮臍 赤芍

藥各五錢 乾薑一分 牽牛子五兩 聖濟入

糯米百粒同炒米色黃取末三兩

右為細末研令勻煉蜜和丸如梧桐子大食前以生

薑湯溫下三十九丸相次以生薑粥飲投之良久當利

未利再服聖濟云為散入牽牛子末和令勻每服空

心溫酒調下三錢每服藥了喫少薑粥投良久利下  
腰間積滯物如不利即加至四錢以利為度名檳榔  
散

沉香散出聖惠方治傷寒後腰間氣滯流注脚膝疼痛

沉香 附子五錢炮製去皮臍 五加皮一兩 桂心一兩 檳榔一兩

五錢 枳實五錢麩炒微黃 木香五錢 大黃一兩剉碎微炒

右為細散每服食前以葱白湯調下二錢

葳靈仙散出聖惠方治傷寒後腰脚疼痛

葳靈仙二兩五錢 牽牛子二兩微炒 陳橘皮三分湯浸去白穰焙 厚朴

三分去粗皮塗生薑汁炙令香熟 吳茱萸五錢湯浸九遍曝乾

右為細散空心以溫酒調下二錢當瀉下惡物

治傷寒後肩背拘急腰脚疼痛出聖惠方

羌活 乾薄荷各一兩 木香 檳榔各三分 葳靈仙

右為細散每服食前以溫酒調下二錢

貼熒方出聖惠方治傷寒後風氣流注腰脚疼痛坐臥有妨

附子生用 桂心各五錢 吳茱萸一分生用

右為末用生薑自然汁調令稀稠得所入銚子內慢火煎如錫攤在臘紙上於痛處貼熗之

芫花散熗方出聖惠方治傷寒後毒氣攻注腰脚疼痛

芫花 吳茱萸 各二兩 醋糟八兩

右相和令勻於銚子內炒令熟以青布裏於痛處熗之如稍乾以醋拌令潤再炒熗之以痛止為度

治傷寒後毒氣傷於經脉即致腰脚疼痛出聖惠方

鹿角 一隻長三寸截之 酒七升

右先用鹿角以炭火燒令通赤內於酒中蘸如此五度止浸經一宿每服空心及晚食前煖一中盞服

獨活湯 治傷寒後風虛邪氣流注腰膝冷疼脚膝無力

獨活 去蘆頭 一兩 防風 去蘆 三分 五加皮 二分 芍藥 一兩 乾薑 炮製

一兩 附子 炮製去皮 一兩 桂 去粗皮 一兩 五味子 炒三分 牛膝 去苗

酒浸切 杜仲 去粗皮炙 一兩

右剉如麻豆每服五錢用水一盞半煎至七分去滓

食前温服

防風湯出濟生 按粹方治傷寒後腰痛或皮肉痿痺腿膝疼痛

行履艱難不可俯仰

防風去蘆節麻黃去根節桂去粗皮牛膝去苗酒浸

丹參錢五五加皮錢五杜仲去粗皮炙附子炮製去皮

芎藭三分細辛去苗葉當歸切焙羌活去蘆頭芍藥

一兩斷續一兩

右剉如麻豆每服五錢用水一盞半入生薑半分拍

碎同煎至七分去滓食前温服

乳香丸 治傷寒後腎臟氣虛腰疼

乳香五分地龍微炒當歸切焙烏頭去皮臍生桂去粗

皮五錢乾蠍微炒去足附子炮製去皮

右為末用安息香一兩剉酒浸一宿細研淘濾去滓慢

火煎成膏同藥末研令勻煉蜜和丸如菉豆大每服

空心温酒送下五丸至十丸

杜仲丸 治傷寒後風傷腰膝冷痛兼補益元臟

食前温服

防風湯出濟生 按粹方 治傷寒後腰痛或皮肉痠痺腿膝疼痛 行履艱難不可俯仰

防風去蘆 一兩 麻黃去根節 三分 桂去粗皮 三分 牛膝去苗酒浸 切焙 一兩

丹參五錢 五加皮五錢 杜仲去粗皮炙 剉三分 附子炮製去皮 臍一兩

芎藭三分 細辛 去苗葉 五錢 當歸切焙 一兩 羌活去蘆頭 一兩 芍藥

一兩 斷續 一兩

右剉如麻豆每服五錢用水一盞半入生薑半分拍

碎同煎至七分去滓食前温服

乳香丸 治傷寒後腎臟氣虛腰疼

乳香五分 地龍微炒 一兩 當歸切焙 一兩 烏頭去皮臍生 用一分 桂去粗

皮五錢 乾蠍微炒去足 五錢 附子炮製去皮 臍一兩

右為末用安息香一兩剉酒浸一宿細研淘濾去滓慢

火煎成膏同藥末研令勻煉蜜和丸如菉豆大每服

空心温酒送下五丸至十丸

杜仲丸 治傷寒後風傷腰膝冷痛兼補益元臟

杜仲 去粗皮炙剉 乾漆 炒令烟出 桂 去粗皮 牛膝

去苗酒浸 巴戟天 去心 五加皮 剉 附子 炮製

切焙一兩 山茱萸 一兩 狗脊 去毛 防風 去蘆 獨活 去蘆頭

山芋 一兩

右為末煉蜜和丸如梧桐子大每服二十九空心温

酒下

敗龜散 治傷寒後腰痛行履不得

敗龜 醋浸 虎骨 塗酥 補骨脂 微炒 當歸 切 赤芍藥 各

兩 薰陸香 桂 去粗皮 白芷 各五錢

右為細散每服食前熱酒調下二錢日二服

當歸散 治傷寒後腰間冷痛

當歸 切 桂 去粗皮 牡丹皮 附子 炮製去皮

右為細散每服空心温酒調下二錢晚再服

沒藥散 治傷寒後腰痛不可忍

沒藥 一兩 地龍 一兩 桂 去粗皮

右研細散每服空心温酒調下二錢

芫花散 治傷寒風虛氣滯冷腰膝疼痛坐臥艱難

芫花 二兩 吳茱萸 一兩 芸臺子 一兩

右為散每服用散半匙以糯米糟一兩入酒煮如糊攤於臘紙上貼痛處

牛膝煎 治傷寒後或中風濕毒氣流注腰脊日夜疼痛

牛膝 去苗 天麻 附子 炮製去皮 羌活 去蘆頭 當

歸 一切焙一兩

右為末用黑豆二升桑枝三斤細剉生薑四兩切用水二斛煎至二升半去滓入藥末煎成膏每服空心溫酒調下半匙日晚再服

牛膝散 出活人書方 治傷寒汗出不徹濕毒留客肢體攣急

腰脚不得屈伸

牛膝 麻黃 去根節 地龍 天南星 各二兩 惡實根 十條

右先將惡實根去皮細剉并諸藥入在沙盆內細研後用法酒一升再研勻爛用新布絞取汁後用炭半



秤燒一地坑子令通赤後去火掃淨投藥汁於坑子  
內再以火燒令黑色取出於乳鉢內研細每服五分  
溫酒調下日三服並無所忌

治傷寒發汗吐下後體虛元藏積冷氣刺腰痛轉動艱  
難

原蠶沙半斤糯米半升

右二味同炒令米色焦然後擣羅為末每用五錢以  
米醋調如稀糊入銚子內煎攪令稠及熱攤於臘紙

上貼痛處以帛纏縛冷即易之

杜仲酒 治傷寒後體虛元藏挾風冷腰膝疼痛行履  
不得

杜仲去粗皮炙 獨活去蘆頭 附子炮製去皮臍 牛膝去苗

一兩 仙靈脾三分

右剉細用生絹袋盛以酒五升浸密封頭經七日後  
開每日取三二合溫服日可三服未瘥再浸服

治傷寒後熱毒攻腎腰背疼痛脊背強急頭不痛診其

左手天脉浮微數即宜喫此方出獲命方

續斷 杜仲 麻黃 羌活 芫花各一分 牽牛熟炒

一銖

右杵羅為末每服二錢水一盞煎一沸便瀉出空心喫見得不予細母服

傷寒後咽喉閉塞不通附論

夫咽喉閉塞不通者脾肺壅滯風毒蘊積內搏經絡上攻咽喉也足太陽之脉上膈俠咽而喉則肺氣之所通

故脾肺壅熱則咽喉閉塞凡傷寒後餘毒未盡上攻咽喉故亦令閉塞不通也

方

當歸湯 治傷寒後咽喉閉塞疼痛六七日其人大便後脉沉遲手足厥逆下部脉不至咽喉痛不利唾膿血泄利不止

當歸切 升麻 知母 薑蕤 黃芩去黑心 麥門冬

去心焙 桂去粗皮 芍藥 乾薑炮 石膏 白茯苓去黑

各五錢

普濟方

三

心 甘草 白朮 各一分 麻黃 去根節 一兩

右粗擣篩每服三錢水一盞煎至六分去滓食後溫服日三

黃芩湯 治傷寒後咽喉瘡痛口瘡煩燥頭痛毒氣上

攻

黃芩 去黑心 大青 山梔子仁 甘草 炙剉各五錢 升麻

五分 麥門冬 去心焙各三分

右粗擣篩每服三錢水一盞入竹葉七片煎至六分

去滓食前溫服日三五服

升麻湯 治傷寒後咽喉疼痛閉塞不通毒氣上攻

升麻 木通 剉各一兩 射干 羚羊角 銹 芍藥 各五錢 蘆

根 一握

右粗擣篩每服三錢水一盞煎至六分去滓溫服日

三

地黃湯 治傷寒後舌根腫塞喉痺此為脾虛心熱先

針舌下兩邊出血次服此方

生地黃

二兩切

甘草

剉炙微黃

大黃

各五錢

升麻

三分

車前子

一兩

右粗擣篩每服五錢水一盞半煎至八分去滓下朴

硝末一錢攪勻食後溫服日三

葛根湯 治傷寒後咽喉疼痛

葛根

剉青竹茹

各一兩

倉粳米

一合

右粗擣篩每服三錢水一盞入生薑一棗大拍碎煎

至六分去滓食後溫服日三

升麻丸 治傷寒後喉内生瘡及喉腫塞毒熱上衝

升麻

苦藥子

鉛丹

炒大黃

生用各五錢

右為末煉蜜和丸如彈子大每服一丸綿裏嚥津化

盡再服

丹參煎 治傷寒時行咽喉閉塞及賊風毒氣上攻

丹參

二兩

菟藿根

剉羊躑躅

炒甘菊花

莽草

各五錢

秦芫

去苗土一兩五錢

牛膝

去苗酒浸

羌活

去蘆頭

烏頭

鹽炒去皮臍

連翹

蜀椒

去目并閉口者炒出汗

白朮

各一兩

右咬咀如麻豆大以苦酒半升拌勻漬半日先取油  
 二斤鍊香熟旋旋下藥煎候白朮赤色即下煉了猪  
 脂一斤更煎藥赤黑色停溫綿濾過磁盒盛貯每服  
 取如半棗大含化稍嚥之熱毒單服齒痛綿裏嚼之  
 嚥下

地黃煎 治傷寒後咽喉不能嚥及口生瘡積熱上攻  
 涎出不上

生地黄汁 二兩 鉛丹 二兩 炒 二兩 白蜜 二兩 猪牙皂莢 一挺 去  
皮酥炙

為末

右和勻以瓶子盛密封頭飯上蒸一時久去滓收之  
 每服一匙頭含化嚥津

貼喉膏 治傷寒後咽喉痛舌強餘熱上攻

蜜 半斤 甘草 二兩 猪脂 四兩

右先以猪脂與蜜煉消後入甘草煎候甘草赤黑色  
 以綿濾過瓷合收盛每取如半棗大含化嚥津

射干煎 治傷寒熱病後咽喉疼痛閉塞不通毒熱上

攻

射干半斤猪脂一斤

右先煎猪脂沸次下射干候射干黑色以綿濾過瓷

合盛綿裏如彈子大含化嚥之

治傷寒後熱咽喉疼痛閉塞不通氣上衝方

右取蘭茹少許如瓜甲尖內口中微嚼汁

治傷寒熱病後咽喉腫痛閉塞不通氣上衝方

右取商陸根切炒令熟以布裹熨腫上冷復易之

治傷寒熱病後咽喉疼痛閉塞不通毒氣上衝方

右取黃明膠手掌大一片以水煮軟貼頸外瘡

治傷寒熱病後咽喉疼痛閉塞不通毒氣上衝方

右以白礬以綿裹含之細細嚥汁以通為度

治傷寒熱毒攻肺上衝咽喉心胸壅實隔塞不通渾身

大熱面色白非時氣喘痰堅不快診其脉右手寸口

脉一指徧大如象即宜服此方出護命方

麻黃去根杏仁 紫苑 貝母去心柴胡去苗黃芩

桔梗 射干 大黃 牡丹皮去心 麥門冬去心 羌活

葶藶各一分 半夏二銖 牽牛二兩

右除牽牛半夏二味別作一處杵羅為末所餘只合作一處杵羅為末每服六錢衆藥末四錢生薑五片水兩盞煎一兩沸便瀉出用調下牽牛半夏末二錢作一服食後臨臥時喫

傷寒後失音不語論

夫傷寒後失音不語者由風寒客於厭會厭為音聲之

戶邪氣傷之故卒然無音人肺正聲而通於氣人之五臟有五音皆稟氣而通之若邪客於肺則氣道不調亦令人語無音聲治法當隨其輕重以方制之失音者歌曰失音發瘥反張弓狐惑唇瘡瘥似聾風溫血迷并舌卷更兼中暑語難通言心聲有五音道路出於咽喉肺亦主之若風若痰若血若熱與夫邪熱伏於心竅或滯於喉間令人失音或語不出而聲蹇澁也

方

五味子湯 治傷寒後外邪客於肺卒失音

五味子

桂 去粗皮各一兩五錢

甘草 炙剉五錢

杏仁 湯浸去皮雙仁炒

一兩

右粗擣篩每服五錢水一盞半生薑三片煎至一盞

去滓不計時候溫服

杏仁煎 治傷寒後忽暴嗽失音語不出

杏仁

湯浸去皮尖雙仁研一兩

木通 剉

貝母 去心

紫苑 去苗

五味

子 百合

桑根白皮 一切各一兩

生薑汁

沙糖

蜜

四兩

右除杏仁薑汁糖蜜外細剉用水五盞煎至三盞去

滓下杏仁膏薑汁糖蜜等相和微火再煎如稀餈以

淨器盛每半匙水一盞煎開溫服不計時候

豆竹湯 治傷寒失音不語

黑豆

淘洗半升

青竹

如筍子四十九莖各長四寸

右用水五大盞同煮以豆熟為度去滓分溫三服

麻仁飲 治傷寒卒失音牙關緊急



大麻仁半升 羚羊角屑二兩

右咬咀每服五錢酒水各一盞共煎一盞去滓温服

日再服

羚羊角散 治傷寒失音不知人口眼不正舌強

羚羊角屑一兩 麻黃去根 石膏各五錢 防風去蘆 麥門冬

去心 黃芩去黑心 乾薑剉 升麻各三分

右咬咀每服五錢水一盞半煎至一盞去滓食後温

服日三服

防已湯 治傷寒後失音不能語口噤

防已剉 桂去粗皮 麻黃去根 葛根剉 甘草炙 防風去蘆

芍藥五錢

右粗擣篩每服五錢水一盞半生薑三片同煎至一

盞去滓空心温服日再服

升麻飲 治傷寒失音不語神志昏冒

升麻一兩 桂去粗皮 木通剉 防風二兩

右粗擣篩每服五錢水一盞半煎至一盞去滓下竹

瀝半合攪令勻空心温服

三瀝湯 治傷寒失音不語

竹瀝 梨汁 荆瀝 各二合 陳醬汁 半合

右攪令勻以綿濾過分温四服空心日晚各一服

桂心湯 治傷寒邪氣傷肺失音不語

桂心 去粗皮 二兩 菖蒲 去 一兩

右粗擣篩每服三錢用水一盞煎至七分去滓不計

時候温服衣覆取汗未退再服

芥子酒熨方 治傷寒後肺中風冷失音不語

右用白芥子五合研碎用酒煮令半熟帶熱包裹熨

項頸周遭冷則易之

治傷寒後失音不語方

右用蘿蔔自然汁入少生薑汁飲一盞如無以蘿蔔

子入水研服

三竒湯 出家藏方 治傷寒語聲不出

桔梗 一兩剉蜜拌飯上蒸 甘草 五錢半生半炒 訶子 大者四個

右為細末每一兩以水沙糖一小塊水五盞煎至三盞時時細呷一日服盡效甚速聲未出再服

五拗湯

出仁存方

治感寒而語聲不出或至咽喉腫痛

方見本門

傷寒咽喉痛類

療暴中冷傷寒鼻塞喘嗽喉中痞塞失音聲者

出本草

右取芫花根一虎口切暴乾令病人以薦自縈就枕上芫花根令飛擣入其七孔中當眼淚出口鼻皆羅刺畢畢耳勿住令芫根盡則止病必於此差

傷寒後虛羸論

夫傷寒之病多因發汗吐下乃解病雖差然腑臟俱傷榮衛皆耗穀氣未復津液不足無以克養故形體虛羸內經所謂必養必和待其來復者此也若其人本自虛弱又因大病之後羸劣不復者則易生勞傷諸疾當先以氣味和養後以藥石療治曰氣味合而服之以補精益氣或其人血氣先虛復為虛邪所中發汗吐下之後經絡俱損傷陰陽竭絕熱邪始散真氣尚少五臟猶虛

穀神未復無津液以榮養故虛羸而生病焉

方

陳橘皮出聖惠方治傷寒後虛羸少氣嘔吐不納飲食

陳橘皮一兩湯浸去白穰焙五味子一兩麥門冬一兩五錢去心焙人

參一兩去蘆頭半夏一兩湯洗七遍去滑白朮五錢甘草五錢炙白微赤剉

茯苓三分黃耆三分

右為散每服三錢以水一中盞入生薑半分棗三枚煎至六分去滓不計時候稍熱服

白朮散出聖惠方治傷寒後虛羸少力不思飲食

白朮一兩黃耆剉一兩麥門冬去心一兩人參去蘆頭一兩桂心

五錢陳橘皮三分湯浸去白穰焙

右為散每服三錢以水一中盞入生薑半分棗三枚煎至六分去滓不計時候稍熱服

草豆蔻散出聖惠方治傷寒後脾胃氣弱痰逆不思飲食四

肢虛羸

草豆蔻去皮三分藿香一兩桂心三分白朮一兩人參去蘆頭一兩

黃耆剉一兩 甘草五錢炙 半夏五錢湯浸

右為散每服三錢以水一中盞入生薑半分煎至六

分去滓不計時候稍熱服

人參散出聖惠方 治傷寒重病後四肢沉困肢體酸疼翕翕

少氣或兩脇拘急腰背強直面少顏色不能飲食漸

至虛羸

人參去蘆頭一兩 白茯苓一兩 黃耆一兩五錢剉 熟乾地黄一兩

五錢 肉苁蓉一兩酒浸一宿剉去皺皮炙乾 五味子一兩 附子一兩炮製去皮

臍陳橘皮三分湯浸去白穰焙 半夏三分湯洗七遍去滑 柴胡一兩去苗 桂

心一兩 白朮三分

右為散每服五錢以水一盞半入生薑半分棗三枚

煎至五分去滓不計時候稍熱服

桂心散出聖惠方 治傷寒虛羸黃瘦五臟氣乏

桂心一兩 人參去蘆頭一兩 黃耆剉一兩 甘草五錢炙 白茯苓

苓三分 肉苁蓉一兩酒浸一宿剉去皺皮炙乾

右為散每服五錢以水一大盞入生薑半分棗三枚

煎至五分去滓食前稍熱服

黃耆散 出聖惠方 治傷寒後虛羸乏力肢體疼痛少思飲食

黃耆 一兩 剉 白芍藥 三分 桂心 三分 人參 去蘆頭 五錢 甘草 五錢

炙微赤到 五味子 三分 白朮 五錢 當歸 三分 剉 牛膝 去苗 一兩

右為散每服五錢以水一大盞入生薑半分棗三枚

煎至五分去滓食前稍熱服

附子散 一名沉香散 出聖惠方 治傷寒腎臟虛羸耳無所聞脚膝

乏力

芎藭 三分 熟地黃 一兩 五錢 桂心 三分 人參 去蘆頭 三分 白茯苓

苓 二兩 桑螵蛸 一兩 微炒 當歸 三分 剉微炒 沉香 一兩 牛膝 一兩 去苗

石斛 去根 一兩 附子 一兩 炮製 去皮臍 磁石 二兩 搗碎 淘去赤汁 肉苁蓉

酒浸二宿刮去皺皮一兩炙乾

右為散每服五錢以水一大盞入生薑半分棗三枚

煎至五分去滓食前稍熱服

人參散 出聖惠方 治傷寒後虛羸不足五臟氣乏

人參 去蘆頭 五錢 桂心 五錢 乾薑 五錢 炮製 半夏 五錢 湯浸 七遍去滑

黃耆剉一兩 白芍藥五錢 甘草一分炙 五味子五錢熟

乾地黄一兩

右為散每服五錢以水一大盞入生薑半分棗三枚煎至五分去滓食前稍熱服

黃耆散出聖惠方 治傷寒後體氣虛羸四肢黃瘦不思飲食

黃耆剉一兩 牛膝去苗一兩 附子一兩炮製 甘草五錢炙

人參去蘆頭一兩 白茯苓三分 五味子三分 木香五錢 白芍藥

三分 熟乾地黄一兩 桂心一兩 柴胡去苗一兩 當歸五錢剉 半

夏湯洗七遍去滑 陳橘皮各三分湯浸去白穰焙

右為散每服五錢以水一大盞入生薑半分棗三枚煎至五分去滓食前稍溫服

沉香丸出聖惠方 治傷寒後虛氣上衝心胸滿悶連背急痛

惡風食少漸加虛羸

沉香一兩 芎藭一兩 茯苓一兩 人參去蘆頭一兩 桂心三分 當歸

一兩剉 枳殼麩炒微 甘草炙微赤剉 白朮一兩 五味

子三分 訶梨勒皮一兩 木香一兩

右為末煉蜜和丸擣三二百杵丸如梧桐子大每服以薑棗湯下三十九丸食前服

黃耆丸 出聖惠方 治傷寒後風虛氣滿背膊煩疼不能飲食

四肢無力時復盜汗日漸虛羸

黃耆 一兩 檳榔 三分 桔梗 五錢 枳殼 五錢 麩炒 桂心

當歸 五錢 剉 陳橘皮 三分 湯浸 牡蠣 一兩 燒 附

子 一兩 炮 厚朴 三分 去粗皮塗生 人參 三分 去蘆頭 茯苓

神 三分 甘草 五錢 炙 木香 五錢 薯蕷 三分 白朮 三分 乾薑 五錢

炮製 龍骨 三分

右為末煉蜜和擣三二百杵丸如桐子大每服食前以粥飲下三十九丸

人參湯 治傷寒後虛羸少力嘔噦氣逆

人參 白茯苓 去黑皮 麥門冬 去心 黃耆 剉 各 白

木 半夏 湯浸洗七遍炒乾 陳橘皮 湯浸去白穢 甘草 炙

右粗擣篩每服五錢水一盞半入薑一棗大拍碎棗



右為末煉蜜和丸擣三二百杵丸如梧桐子大每服以薑棗湯下三十九丸食前服

黃耆丸

出聖惠方

治傷寒後風虛氣滿背膊煩疼不能飲食

四肢無力時復盜汗日漸虛羸

黃耆

一兩

檳榔

三分

桔梗

去蘆頭五錢

枳殼

五錢麩炒去穰

桂心

三分當歸

五錢剉微炒

陳橘皮

三分湯浸去穰焙

牡蠣

一兩燒為粉

附

子

一兩炮去皮臍

厚朴

三分去粗皮塗生薑汁炙令香熟

人參

去蘆頭三分

茯苓

神分甘草

五錢炙剉微赤

木香

五錢三分

白朮

三分

乾薑

五錢

炮製剉分

龍骨

三分

右為末煉蜜和擣三二百杵丸如桐子大每服食前以粥飲下三十九丸

人參湯

治傷寒後虛羸少力嘔噦氣逆

人參

白茯苓

去黑皮各二分

麥門冬

去心焙

黃耆

剉各一兩

木半夏

湯浸洗七遍炒乾

陳橘皮

湯浸去白穰焙各五錢

甘草

炙

右粗擣篩每服五錢水一盞半入薑一棗大拍碎棗

三枚擘破同煎至八分去滓食前温服

附子湯 治傷寒後羸少力補益元臟

附子炮製去皮臍 草薢 熟乾地黄焙 人參各一兩 芎藭

五錢湯洗七遍 半夏炒五錢 白茯苓去黑皮 桂去粗皮 當歸 芍

藥 五味子 黃耆剉各三分

右剉如麻豆每服五錢水一盞半入生薑一棗大拍

碎棗三枚擘破同煎至八分去滓空心温服

此胡知母湯 治傷寒後體虛成勞徧身盜汗四肢無

力口苦憎寒又多咳嗽

此胡 知母 桔梗炒 厚朴去粗皮生薑汁炙 熟乾地黄

焙 白茯苓去黑皮 山芋 黃耆剉 紫苑去土 地骨皮各一

兩 黃芩去黑心 甘草炙 桂去粗皮 半夏湯洗七遍

右粗擣篩每服五錢水一盞半入生薑一棗大拍碎

棗三枚擘破同煎至八分去滓空心温服日再

桂心湯 治傷寒後虛勞羸瘦乏力

桂去粗皮 人參 黃耆剉 牛膝酒浸切焙 甘草炙

白茯苓 去黑皮 三分

右粗擣篩每服五錢水一盞入生薑三片棗二枚擘破同煎至六分去滓空心溫服

黃耆芍藥湯 治傷寒後氣血不復虛羸

黃耆 剉 人參 各一兩 芍藥 桂 去粗皮 五味子 各三分 白

朮 剉 甘草 一兩

右粗擣篩每服三錢水一盞入生薑三片棗二枚擘破同煎至六分去滓空心溫服

黃耆薑桂湯 治傷寒後血氣不足虛乏

黃耆 剉一兩 桂 去粗皮 乾薑 炮 人參 芍藥 各五錢 甘草

炙剉一分 半夏 三分湯洗七遍

右粗擣篩每服三錢水一盞入生薑三片棗二枚擘破同煎至六分去滓空心溫服

黃耆甘草湯 治傷寒後虛勞短氣小腸急痛羸劣

黃耆 白茯苓 去黑皮 芍藥 甘草 白朮 各五錢

右吹咀每服三錢水一盞半入生薑一棗大拍碎棗

三枚擘破同煎至六分去滓空心溫服

黃耆薤白湯 治傷寒後血氣俱虛羸劣不足

黃耆 白茯苓去黑皮 五味子 白朮各五錢 薤白

葱白三莖 粳米 芍藥 生薑各五錢 羊腎一雙去脂膜

右細剉分作三分每服用水二盞煎至一盞去滓食

前溫服一日服盡

乾地黃湯 治傷寒後血氣不足脚膝無力四肢羸劣

熟乾地黃焙 地骨皮 五味子各一兩 桂去粗皮 黃

者剉一兩五錢

右粗擣篩每服五錢水一盞半先將羊腎一隻去筋

膜切煮至一盞次下藥更煎至七分去滓空心溫服

白朮黃耆湯 治傷寒胃氣虛乏不思飲食日漸羸瘦

白朮 黃耆剉各一兩 山茱萸 五味子 人參 茯苓

神木去木 半夏湯洗七遍炒 前胡去蘆頭 山芋 桔梗炒各五錢

右粗擣篩每服五錢水一盞半入生薑一棗大拍碎

同煎至八分去滓空心溫服

羚羊角湯 治傷寒後煩熱憎寒口苦不思飲食日漸羸瘦

羚羊角鎊 柴胡去襖 鼈甲去襖 人參 知母 淡

竹茹 黃耆 赤茯苓去黑皮 甘草炙各五錢 天門冬去心

焙一兩

右細剉如麻豆每服五錢水一盞半煎至八分去滓食前溫服日二

治傷寒後虛羸少氣嘔吐方出千金方

石膏 麥門冬 半夏各一分 竹葉二人參一兩

右咬咀以水一斗煮取六升去滓內粳米一升米熟湯成飲一升日三服一方加生薑五兩甘草二兩

生地黄湯出千金方 治傷寒有熱虛羸少氣心下滿胃中有

宿食大便不利

生地黄三斤 大黃四兩 大棗二十枚 甘草一兩 芒硝二合

人參一兩

右以水一斗煮取六升溫服

鷄子豉湯 治傷寒

鷄子一十枚 豉四合 綿裹

右以水五升先煮鷄子取二升內豉又煮三四沸去

滓分再服

補虛大病後不足萬病虛勞同此

出千金方

右以取五歲以上七歲以下黃牛新生者乳一升以水四升煎取一升如人飢稍稍飲之不得過多十日不住服佳

羌活附子湯

出鮑氏方

治傷寒汗下後虛中為冷藥所寒中

焦痞滿而嘔

羌活 附子 茴香 木香 乾薑

各五錢

各一棗大

右為末每服二錢少鹽煎食前

內感傷寒勞役形體飲食失節中州變寒之病生黃非壞之而得用建中理中大建中足矣不足用茵陳也男黃小便自利當與虛勞小建中湯若黃疸色不變欲自利腹滿而喘不可除熱除熱必噦小半夏湯韓

氏曰產脫血虛者宜用羊肉湯傷寒汗下太過亡陽失血則用救逆效必遲矣與羊肉湯為效神速病人面色雖見陽是客熱上焦中下二焦陰氣已盛若調得下焦有陽上焦陽氣下降丹田知所歸宿矣氣有高下病有遠近症有中外治有輕重各適其所為病八九日汗下太過二脉沉細無力多蹇足臥惡聞得人聲皮有粒時戰如瘧宜羊肉湯主之羊肉湯方

方粹

出按

當歸 白芍藥 各一兩 黑附子 四錢炮製去皮臍 龍骨 五錢燒通

赤生薑 二兩 牡礪 一兩燒赤 桂枝 七錢五分

右為粗末每服二兩羊肉四兩葱白五寸去黃心同剉爛以水五升一升今之一大盞也熬至一半以絹濾絞去滓分三服飲之海云陽症大汗大下後亡陽於外亡血於內上而津脫下而液脫津液兩亡宜以此湯補之矧陰症者豈可不溫補哉此與傷寒太陽症振搖與真武湯一例外之陽病至此尚溫况內之

陰候豈得不補耶

傷寒後虛損夢洩論

夫傷寒後虛損夢洩者由邪熱乘於腎則陰氣虛陰氣虛則夢交通腎臟主於精合腎虛不能制於精故因而夢洩也

方

白芍藥散

出聖惠方

治傷寒後虛損小腹拘急腰背強疼夜

夢失精四肢羸瘦

白芍藥 桂心 白朮 人參 去蘆頭 白茯苓 五

加皮 乾薑 三分炮製到 甘草 五錢炙到微赤

右為散每服四錢以水一中盞入生薑半分棗三枚煎至六分去滓不計時候溫服

龍骨散 出聖惠方 治傷寒後虛煩夜夢失精頭目眩疼四肢

羸劣

龍骨 白薇 牡蠣 白芍藥 各一兩 甘草 附子

三分炮製去皮臍



右為散每服五錢以水一大盞入生薑半分棗三枚煎至五分去滓食前溫服

薰草散 出聖惠方 治傷寒虛損腎氣不足夜夢失精

薰草 龍骨 二兩 桂心 白朮 三分 人參 去蘆頭 茯苓

熟地黄 二兩 甘草 炙微赤剉 白芍藥 各三分

右為散每服五錢以水一大盞入棗三枚煎五分去滓食前溫服

治傷寒後腎氣虛損夜夢失精口乾心煩兩頰黑色皮

膚乾燥 出聖惠方

龍骨 一兩 白芍藥 人參 去蘆頭 鹿茸 塗醋微炙去毛各五錢

白茯苓 各三分 桂心 甘草 炙微赤剉 熟乾地黄 磁石

一兩五錢搗碎水淘去赤汁

右為散每服四錢以水一中盞入棗三枚煎至六分去滓食前溫服

鹿角散 出聖惠方 治傷寒後虛損夜夢洩精不禁

鹿角屑 麋角屑 當歸 剉微炒 白茯苓 芎藭

各三分

右為散每服三錢水一中盞入薤白三莖生薑半分粳米一百粒煎至六分去滓食前溫服

牡蠣散 治傷寒後虛損心多忪悸夜夢洩精

牡蠣燒為粉 桂心 白芍藥 鹿茸塗酥微炙去毛 龍骨各一

兩甘草五錢炙微赤剉

右為散每服五錢水一大盞生薑半分棗三枚煎至五分去滓食前溫服

石斛散 治傷寒後腎氣虛損小便餘澁及夜夢精洩

陰下濕痒

石斛去根剉一兩五錢 巴戟一兩去心 桑螵蛸微炒三分 兔絲子一兩

酒浸三日曝乾別杵為末 杜仲三分去粗皮炙微黃剉

右為細散入兔絲末和勻每服食前以溫酒調下二

錢

韭子散 治傷寒後腎臟虛損夜夢失精及尿後餘澀

韭子三兩微炒 麥門冬一兩五錢去心焙 鹿茸一兩塗酥炙去毛 龍骨

一兩兔絲子

一兩湯浸三日曝乾別研為末

車前子

一兩

右為散入兔絲子末和勻每服食前以溫酒調下二

錢

薯蕷散 治傷寒後虛損腎氣之弱精滑夜夢多遺

薯蕷

葑子

微炒

麥門冬

去心焙

熟乾地黄

兔絲子

曝乾別杵為末

車前子

龍骨

以上各一兩

芎藭

三分

右為細末入兔絲子和勻每服食前以溫酒調下二

錢

桑螵蛸散

治傷寒後虛羸乏力陰委夜夢失精

桑螵蛸

微炒

葑子

微炒

兔絲子

酒浸三日曝乾別杵為末

牡蠣

燒為粉

車前子

各一兩

麥門冬

一兩五錢去心焙

右為細散入兔絲子末和勻每服食前以溫酒調下

二錢

葑子散

治傷寒後虛損夜夢精洩或因小便亦有精

出

葑子

微炒

龍骨

兔絲子

酒浸三日曝乾別杵為末

人參

去蘆頭

澤

瀉以上各一兩 麥門冬一兩五錢 車前子三分 石龍芮三分

右為細末入兔絲子末和勻每服食前以溫酒調下  
二錢

鹿茸丸 治傷寒虛損小便如泔及有餘瀝夜夢精洩  
此皆腎虛

鹿茸塗酥微炙去毛 澤瀉 白茯苓 牛膝去苗 桂心各一兩

龍骨 葑子微炒 石龍芮各一兩 兔絲子二兩酒浸三日曝乾別杵

為末 巴戟一兩去心

右為末煉蜜和搗三二百杵丸如桐子大每服以溫

酒下三十九空心及晚食前服

羚羊角丸 治傷寒後夜夢精洩不禁身體枯燥瘦瘠

骨立者宜服

羚羊角屑 犀角屑 石龍芮 桂心 木香以上

各一兩 葑子微炒 龍骨 硃砂細研水飛過 鹿茸酒浸微炙去毛 澤

瀉以上各一兩五錢

右為末煉蜜和搗三二百杵丸如梧桐子大每服食

前以温酒下三十九

朱砂丸 治傷寒後虛損心氣不安夢寐失精

硃砂飛過 羚羊角屑 人參去蘆頭 白茯苓以上各一

兩 研水

右為末煉蜜和丸如梧桐子大每服以温湯送下

二十九

普濟方卷一百四十四

總校官候補知府 臣葉佩蓀

校對官助教 臣李巖

膳錄監生 臣謝家楨